

宋

會

要

銷

太公金匱

夏桀之時有荅山之水桀常以十月發民鑿山穿陵通於河民諫曰鑿山穿陵是泄天之氣發地之藏天子失道後必有敗桀殺之暮年荅山崩為大澤湯率諸侯伐之

含神霧

唐地處孟冬之位得常山泰岳之風音中羽其地磽确而收故其民險而好畜此唐堯之所起

梁元帝纂要

十月孟冬亦曰上冬亦曰陽月

宋會要

入誕聖節

大中祥符五年以十月二十四日聖祖降延恩殿日

聖節

卷二十二

淳熙十二年十二月十七日御史臺閣門太常寺
言勘會已降指揮太上皇帝聖壽無疆來歲八十用元日行慶壽禮乞是
日皇太子文武百僚先赴大慶殿立班稱賀詔依十二月二十八日詔太
保致仕史浩已降指揮令赴慶壽立班來年正月一日大慶殿朝賀特令
立班

中興禮書 朝賀

冬至羣臣朝賀儀 其日應在內諸門並北常左一刻開於大慶殿列黃
麾角伏行門禁衛諸班直親從等并入內省執骨朵使臣排立如儀請奏
目知閤門官并簿書官當祇應宣贊舍人已下覺察失儀提點承受等並
班於殿下北向立定閤門御史臺太常寺分引文武百僚
入赴殿下分東西相向立次太常寺禮直官引宰執使相到立定次閤
門提點引皇太子到立定次舍人傳稱警四色官起赴殿庭稱警畢閤
門附內侍進班齊呼皇帝服靴袍出鳴鞭行門禁衛諸班直親從等并入
內省執骨朵使臣並迎駕自贊常起居皇帝升御座舍人贊執仗人四拜
起居次舍人贊讀奏目知閤門官以下常起居訖知閤門官升殿請奏目
贊官各歸侍立於應位舍人就位揖皇太子已下躬舍人當殿直身通文
武百寮皇太子其已下起居稱賀皇太子已下直身立舍人禮直官引皇
太子宰執使相已下文武百僚北向立班定舍人揖躬身曲儀曰再拜贊
首承傳在位官皆再拜措躬舞蹈又再拜訖且躬身班首不離位奏聖躬
萬福訖典儀曰再拜贊首承傳在位官皆再拜訖直身立禮直官引班首
自西來而升殿東壁面西立以俟宣答舍人引皇太子出班列位俛伏跪

百僚並躬身致詞訖伏興却引歸位揖皇太子躬身曲儀曰再拜贊者承傳在位官皆再拜訖且躬身殿上禮直官引樞密當御座前躬承旨退詣折檻東西向立稱有制皇太子已下兩拜訖且躬身樞密宣答訖復位立興儀曰再拜贊者承傳在位官皆再拜訖直身立俟皇帝起鳴鞭皇太子已下並退舍人承旨放仗四色官起赴殿庭稱奉勅放仗押伏官就使兩拜訖退正旦羣臣朝賀儀其日大慶殿列黃麾半仗行門禁衛諸班武百寮等并入內省執骨朶使臣排立如儀閤門御史臺太常寺分引文武百寮並執笏入赴殿下分東西相向立定次太常寺禮直官引宰執使相到位立定次閤門提點引皇太子到位置立定請奏日知閤門官并簿書官當祇應宣贊舍人已下覺察失儀提點承受等並執笏班於殿下北向立定次舍人傳稱警四色官起赴殿庭稱警畢閤門附內侍進班齊揖進帝服鞞袍出鳴鞭行門禁衛諸班直親從等并入內省執骨朶使臣並迎駕自贊帝起居皇帝升御座舍人贊執仗人四拜起居次舍人贊請奏日知閤門官已下常起居訖知閤門官升殿讀奏目錄官各歸侍立祇應位舍人揖皇太子已下躬身立舍人當殿直身通文武百僚皇太子某已下起居稱賀皇太子已下直身立舍人禮直官引皇太子宰執使相已下文武百

以上已見五
千三百五十五

僚北向立班定舍人揖躬身典儀曰再拜贊者承傳在位官皆再拜播笏
揖跪又再拜訖且躬身班首不離位奏聖躬萬福訖典儀曰再拜贊者承
傳在位官皆再拜訖直身立禮直官引樞密一員由東階升殿東望面西
立以俟宣答舍人引皇太子出班到位俛伏跪百僚並躬身致詞訖伏興
却引歸位揖皇太子躬身典儀曰再拜贊者承傳在位官皆再拜播笏舞
蹈又再拜訖且躬身殿上禮直官引樞密當御前躬承旨訖於柝檻東西
向立稱有制皇太子已下兩拜訖且躬身樞密宣答訖復他立典儀曰再
拜贊者承傳在位官皆再拜播笏舞蹈又再拜訖直身立俟皇帝起鳴鞭
皇太子已下並退舍人承旨放仗四色官趨赴殿庭稱奉勅放仗押仗官
就位兩拜訖退

中興禮書制會

此有禮文至
嘉熙十五年十
一月四條

冬至

案建炎無
七年七年上
雷有紹興三
字
冬至

正旦

高宗建炎四年十一月五日太常寺言檢會冬至皇帝躬率百官遙拜道
居皇帝淵聖皇帝訖御殿百官起居宰執更不奏事是日作休務假奉寺
勤會今來冬至日并來年正旦欲依上件禮例施行詔依自是至紹興六
年做此

七年閏十月六日行在禮部太常寺言勘會日來冬至日皇帝躬率百官
遙拜淵聖皇帝表訖依例御殿百官起居緣今來係在聖文仁德顯孝皇
帝顯肅皇后未祔廟已前所有將來十一月一日冬至日今參酌禮例申
請下項一冬至日乞依見旦望遙拜禮例是日宰執率文武百官於行宮
門外遙拜淵聖皇帝表所有表文乞令禮部修撰書寫其表不入詞俟拜
訖付禮部收掌候問安使行日附行一所有冬至日依禮例皇帝御殿百
官起居緣今來係在未祔廟已前欲乞是日文武百僚依旦望禮例於常
御殿門外進名奉慰詔依十二月十八日行宮禮部太常寺言來年正旦
留守以下至日合詣行宮北門立班拜表今來係在聖文仁德顯孝皇帝
顯肅皇后服制之內難以作賀表又緣已係祔廟畢欲乞改作拜起居表
仍乞於十二月二十一日先拜六參起居表訖次預拜正旦起居表其拜

表節次等依近冬至禮例施行所有表依例行宮行首司收接留守司差人投進兼正月一日留守以下先詣行宮南門還拜肅聖皇帝訖次赴行宮北門拜六參起居表詔依九年十一月五日禮部太常寺言勅會將來冬至日乞依見今旦望禮例是日皇帝於禁中還拜淵聖皇帝更不御殿羣臣於南宮門外還拜訖次率百官僚詣常御殿拜賀稱賀其四禮部郎官轉表授班首班首轉授閣門官其表依在京冬至正旦不御殿禮例入詞所有來年正旦亦依此施行詔依自後倣此十二年十月十六日禮部太常寺言都省批送臣僚劄子竊以元正一歲之首冬至一陽之復聖人重之制為朝賀之禮焉自上世以來未之有改也漢高帝以五年即位而七年受朝於長樂宮我太祖皇帝以建隆元年即位受朝於崇元殿主上臨御十有六年正至朝陽初未嘗講豈艱難之際不遑暇歟茲者太母還宮國家太慶四方來賀豈惟其時欲望自今冬至元正舉行朝賀之禮以明天子之尊庶幾舊典不至廢墜今看詳中尚書省契勘朝會之禮依國朝故事冬至正旦有司前兩月申請取旨排辦昨日艱難之際權不舉行今來臣僚申請合依舊舉行依議設黃麾大仗車輅道遠平輦法物樂舞等百僚服朝服再坐上壽宣公王等升殿間飲三周詔依仍自來年

舉行十九日臣僚劄子奏臣竊以王者所幸為京師言京天而師眾四方之人必以眾與大歸之故有朝宗親遇會同之禮向侯賓要荒服之制以九儀之命正邦國之位端已南面而治百官備物而動所以為慎重肅恭尊君卑臣之典又為車服旗章以旌之贊幣瑞節以鎮之聲容文物以紀之於是乎正班爵之儀訓上下之則所以興衰撥亂使民回心而鄉道亦非天之所為蓋人之所設也人之所設不為則不立不修則壞昔漢高祖既得天下命叔孫通定朝議當十月長樂宮成諸侯來朝莫不震恐高帝悅而嘆曰吾迺今日知為天子之貴也惟我國家藝周之憲度恢漢之規模其亦尚矣陛下盛德大業超軼古今時號中興功逾肇造久撫艱難之運禮文多所未修今格和寧之期舊典宜加蒐舉欲望明詔有司講求祖宗故實常朝視朝正衙便殿朝會之儀舉而行之以隆帝業用稱萬邦百辟尊君之心天下幸甚詔令禮部太常寺閣門同共討論申尚書省令討論在京月朔日文德殿視朝紫宸殿日參望參垂拱殿日參四參假日崇政殿坐聖節垂拱殿上壽今來臣僚所請欲乞舉行今乞先次宰臣率百僚拜表奏請皇帝御正殿視朝若降指揮許允所請其合行事務乞令逐處各行條具申請詔依十一月三日權禮部侍郎王賞等言契勘朝會之

制正旦冬至及大慶殿受賀受朝係御大慶殿其文德紫宸垂拱殿禮制不同月朔視朝則御文德殿謂之前殿正衙仍設黃麾半仗其餘紫宸垂拱皆係別殿不設儀仗今來已降指揮依臣僚所請乞講朝會之儀緣元正在近大慶殿之禮事務至多欲乞先舉行文德殿視朝之制其朝會合服朝服并設樂上壽間飲三周設祥瑞表案等並乞候來年冬至前別行取旨詔十七日禮部太常寺言勘會將來冬至欲乞依禮例是日皇帝於慈寧殿賀太皇后如宮中之儀訖次於禁中遙賀淵聖皇帝畢更不御殿率執率文武百僚詣常御殿拜表稱賀來年正旦亦乞依此施行詔依十二月十二日禮部言准都省批送下御史臺申本臺今先次條具到宰臣率百僚拜表請皇帝御正殿視朝合行事件送禮部看詳尋下太常寺看詳到項欲並依所申施行一宰臣率百僚拜表請皇帝御正殿視朝俟批答允所請并修蓋垂拱崇政殿了畢其御正殿日分取旨下有司施行今者詳乞候修蓋前殿畢工日申朝廷下太史局擇日御正殿一將來御正殿每遇朔望日欲乞依先降指揮宰臣率百官先遙拜淵聖皇帝退次赴前殿起居如儀一百官聽赦書德音麻制依儀集官於文德殿立班將來每遇告集百官聽宣赦書德音麻制欲乞將崇政殿權充文德殿立班

一垂拱殿四參依議於殿門外設位版二宰臣率百官拜表并聽御札批
咨依議並在東上閤門昨在京日係於文德殿東朵殿將來每遇群臣拜
表聽御札批咨欲將崇政殿權作文德殿充東上閤門羣臣立班一今來
舉行正殿朝會並遵執見行儀制編排班次比之日今後殿常朝報引班
列事體不同所有侍從及應職事官差除罷職等移動班次起赴朝參多
有不赴閤門有赴者未敢便引立新班上件事理委有相妨伏乞畫黃劃下
本臺照會庶得班列整肅及彈奏不致差誤一依儀朝會退百官謝賜茶
酒合在朝堂今來舉行之初欲乞候將來朝堂了畢日令所屬申取朝廷
指揮詔依十三年十二月六日閤門言依在京遇大禮年分次年正旦朝
會依例權罷詔依十四年八月二十四日閤門言紹興十三年為大禮畢
端誠殿揭賀當年冬至大朝會於禮例權罷并十四年正旦大朝會大禮
次年亦合權罷所有今來冬至來年正旦大朝會若朝廷降指揮舉行於
閤門典禮別無妨礙太常寺狀勘會冬至正旦大朝會係本寺逐年檢舉
申請候指揮下日施行奉聖旨令閤門討論與人使人見不得相妨契勘
依議冬至及正旦合御大慶殿大朝會將來正旦大朝會百僚稱賀皇帝
御大慶殿坐其使人入見臨時聽旨即無相妨詔依九月十七日門下後

省言將來大朝會本省有合申請事件下項一八寶合於大慶殿上御座
 東西安設一主進中殿外辦解嚴牙牌職掌係本省差人外所有設席褥
 職掌依法合太僕寺差後來並係駕部差今來上件職掌乞從本省及駕
 部差撥詔依十八日中書後省言將來正旦大朝會合用表案并紫綾案
 衣及席褥乞下太常寺依門下後省祥瑞表案席褥一樣製造排辦禮畢
 令本寺拘收詔依十九日禮部言祇候庫中將來大朝會文武百僚等朝
 服法衣約度乞下工部製造批送禮部看詳本部尋下太常寺看詳得所
 造朝服除宰執使相侍從臺諫武臣正任以上并應奉官見有祇候庫椅
 管數目外其文武百僚朝服欲依祇候庫所申從御史臺問明四方館約
 度合用立班員數報本庫與勘關少數申工部貼造所有八殿應奉禁衛
 諸班直皇城司親從快行八廂諸色祇應人法衣等名件樣制本寺難以
 見得乞令祇候庫會問主管禁衛所及應奉官司具合用人數本庫省記
 逐色人合服名件申工部製造詔依二十一日翰林司言今年冬至來年
 正旦大朝會本司自來排辦殿內臣僚合用金銀器皿件物並係於天章
 閣收附宴設家事庫關請數內對御合用金爵盞兩朵殿兩廊合用白成
 銀爵盞今來本庫止有鍍金銀盞盞白成銀盞盞鍍金銀屈卮白成銀屈

厄今欲乞將是在屈厄并盤盂充代爵蓋使用詔依二十三日禮部太常
 寺言來年正旦大朝會參酌條具合行排辦事件下項一依議合脚大慶
 殿今欲乞將文德殿權作大慶殿。合張設垂拱殿大慶殿及殿門之內
 外設東西房於大慶殿御榻之左右稍北又設東西閣於殿後之左右并
 侍班幕次等欲令儀鸞司預先排辦釘設一合設登歌宮架樂舞一合設
 五輅儀仗輿輦法物緞扇等乞從兵部行下所屬排辦一合設諸州詣恭
 貢物乞下戶禮部排辦一依議符寶郎奉寶陳於大慶殿御榻之左右及
 丹墀龍墀沙墀上陳輦輿緞扇御馬及設表案祥瑞案并三公三少侍中
 中書令以下殿門外叙班及殿內立班去處欲乞令御史臺定日同閣門
 太常寺并應奉官司前去相度詔依十月二日禮部太常寺言來年正旦
 大慶會其登歌樂工內歌色祝敔搏拊鐘磬琴瑟係在殿上排設其管笛
 笙簫係在簷下排立照得十三年郊祀大禮景靈宮殿簷下所用樂床係
 軍器所製造今欲下軍器所造詔依三日四方館言勘會將來正旦大朝
 會文武百僚合用朝服本館除已先次開具進奏官及本館應奉人數并
 所服法服報祇候庫製造外所有致仕官京官選人員數法服等今比附
 隨宜約度下項一致仕官欲乞將行在臨安府城內寄居致仕官權從上

以十員京官選人欲乞權以五十員并吏部已參部人欲乞一百員并乞於從上職位起立班製造法服一諸路貢士舉人欲乞令禮部於諸州發解引舉人解頭權以一百人起立班製造士服如人數不足於太學生內差大職事及近上齋長諭一昨在京先生法師左右街道官等起赴今欲乞令僧官道官及僧正道正司差寺觀主首及從上師號高者僧道權各以三十人起立班並各服本色詔依同日兵部言契勘自來大朝會合排設黃麾大仗五千二十七人所有來年正旦大朝會未安排設黃麾大仗唯復排設黃麾半仗二千二百六十五人及契勘更有五輅下駕士人兵等一千人奉聖旨令兵部相度地步申尚書省本部尋將帶左右金吾街仗六軍儀仗司等入殿相視得大慶殿比之在京地步不同又緣依政和五禮新儀合用黃麾大仗五千二十七人今來若全行排設安是擁遏難以擺布今相度欲乞用黃麾大仗止將合用人數權減三分之一用三千三百五十人所有執著服色除已有黃麾半仗外有少闕數目欲乞於祇候庫見管大禮儀仗物色內就行接數充代於殿門內外隨宜擺列至車輅前後詔依九日御史臺言今相視到立班去處申請事件下項一今來大朝會已降指揮文德殿權作大慶殿依儀兩省官合於丹墀上

分東西相向立。目今殿庭即無三屏。今欲乞除將起居郎舍人夾香案東
西侍立外。其餘兩省官乞隨宜分東西相向立班。一依令大朝會前二日
赴大慶殿習儀。欲乞於正習儀前。從本臺定日同閣門太常寺并應奉官
司赴本殿閱習。一合用文臣百官欲乞告集應通直郎以上及行在見任
寺監主簿承務郎以上職事官。趕赴立班并習儀。詔依同日禮部太常寺
言。今續次參酌條具事件。下項一合差太史令一員奏雲物祥瑞。乞下太
史局差一休儀合用御榻并香案。乞令儀鸞司排辦。一大朝會儀注。乞令
御史臺太常寺閣門同共參酌條定。申請所有垂拱殿樞密以下稱賀儀
乞從閣門申請。詔依十九日兵部言。正旦大朝會。尋行下車轎御輦左右
騏驎院前去相視。到下項本部今欲依遼處申到事理施行。一車轎院勘
會在京日大朝會合排設五轎係於大慶殿內排設。今來相視得殿內地
步雖可排設五轎。緣車轎高濶。與今來殿門出入相妨。今欲乞於皇城
門外隨宜排設。一左右騏驎院勘會自來遇大朝會合用鞦韆御馬二十
匹。於大慶殿龍墀上在道遶平輦後排立。應奉今來相視得殿前兩壁廊
下排設道遶平輦於輦後係是廊屋別無地步排立御馬。乞於道遶平輦
以南兩壁排立。乞下太常寺相度指定依禮儀有無妨礙。本寺看詳。今來

大慶殿地步與在京不同若隨宜於大慶殿門外排立於典禮別無妨礙
一御輦院契勘在京日大朝會本院合排設大輦道遙平輦腰小輦於大
慶殿東西龍墀上排設織扇一百六柄於大慶殿下排設今相視下項一
平輦腰輦殿廊下面西安設道遙子腰小輦於殿西廊下東西相向排設
一織扇在京合差撥人員輦官一百一十八人令欽乞隨宜差撥人員輦官
七十人祇應於殿下道遙平輦近南東西相向排設一大輦一乘今來緣
殿門出入相妨今欽於皇城南門外隨宜排設詔依二十日禮部太常寺
言今續次參酌條具申請下項一乞依禮例於元日前二日文武百僚并
應奉人並赴殿庭習儀一太常寺禮直官贊者并樂正樂工乞於習儀前
從本寺定日於法惠寺作樂教習三日詔依二十一日輔臣進呈有司申
請大朝會舊有地衣上曰祖宗時往往是河東進獻因而用之今從儉約
更不須用十一月一日禮部言准都省送下提舉秘書省申太史局狀將
來大朝會本局官四員司辰禮曆局學生共二十四人依例並合在大慶
殿門外西壁排立應奉又文德殿鐘鼓院狀合差主管官四員星漏官一
員司辰直官鷄鳴局學生二十一人依例並合赴大慶殿門東西間近東
北簷下排設應奉送禮部看詳本部尋下太常寺看詳欽依本首所申事

理詔依同日禮部太常寺言自來朝會於習儀前宰執同禮部太常寺官
接樂所有將來正旦朝會欲乞依禮例從太常寺申請定日於法惠寺按
樂及上壽儀合差太官令二人奏酒巡周奏食徧依自來禮例係差教
坊使副充詔依十五日戶禮部言准都省送下太常寺申契勘將來大朝
會依在京禮例合排設登歌樂舞應奉所有合舉行事件今先次條具到
申請下項戶禮部奏酌指定申尚書省本部看詳欲依太常寺申到事理
一本寺勘會在京日遇大朝會合用登歌宮架樂工六百餘人今來大朝
會欲比附紹興十三年郊祀大禮應奉人數止用樂正四人登歌樂工四
十八人宮架樂工一百八十二人共用二百三十四人將見管絃中常祀
樂正并登歌宮架樂工二舞及守闕樂工一百七十三人撥充應奉如有
闕少人數乞從本寺拘收曾經應奉樂工充若或不足乞行召募一將本
寺額管二舞並撥充宮架樂工祇應外見闕文郎六十四人武郎六十四
人管押色長二人引舞四人共用一百三十四人更不招置欲乞依祖宗
舊制下教坊借差諸部樂人充攝若教坊樂人數數不足乞令鈞容直貼
差應奉一合用樂章乞從本寺具曲名節次申學士院修撰前期付下教
習詔依十一月二日教坊所狀將來大朝會見闕文武郎并引舞人乞下

教坊借差如數數不足下鈞容直貼差本所與勘教坊將來賀正旦人使
到闕祇應尚書慮布不足若行差撥二舞等八顯是相妨詔賀正旦人客
直二十九日閤門言檢會舊例正旦朝會垂拱殿設簾殿上駐輦候起居
稱賀班絕乘輦樞密知閤門官樞密都副承旨諸房副承旨前導管軍引
駕至大慶殿後幄皇帝降輦入次更衣契勘今來垂拱殿過大慶殿經由
道路與在京不同取聖旨詔大朝會常御殿權設垂拱殿免駐輦設簾止
設倚子稱賀班絕過大慶殿後幄同日閤門言今具合申請下項一將來
正旦朝會射殿權作大慶殿無三墀所有龍墀沙墀合排立大小使臣欲
乞權免侍立一上壽殿上設御榻兩壁窄隘令權移東壁御史中丞正侍
郎直學士與尚書一行差後坐西壁權移承宣觀察使與節度使一行差
後坐如更鋪設不適令隨宜趙那於兩朵殿坐詔依紹興十四年十二月
十日禮部大常寺言正旦御殿受賀所有宰執同禮部太常寺官就法惠
寺按樂今定十二月二十三日乞依在京禮例作休務假一日詔依十九
日門下後省言勘會今來大朝會合差奏請守視八寶內外符寶郎各二
員其外符寶郎乞差卿監權攝所有內符寶郎欲乞下入內內侍省差內
侍權攝詔依同日御史臺言正旦大朝會其合用文臣百官應用直郎

以上及行在見任寺監主簿承務郎以上職事官赴數內本臺檢法官
秘書省官國子監學博士正錄未有該載欲乞權令應京官見任前件職
任之人隨班赴詔依二十日禮部太常寺言勘會將來大朝會依儀合
設諸蕃貢物至日禮部尚書於殿下奏諸蕃貢物請付所司緣今來係首
初舉行朝會之禮若不陳設竊慮於禮未盡禮部太常寺今相度欲乞令
戶部行下所屬將市舶之物量數陳設所貴依儀不闕詔依二十三日御
史臺閣門言勘會大朝會舊例上壽訖合赴坐官殿上文臣權併郎以上
武臣正任刺史以上及廂都指揮使東朵殿文臣秘書監至朝奉大夫并
都虞候西朵殿橫行并宗室選郡及都虞候東廊文臣通直郎以上西廊
諸軍指揮使契勘今來係射殿權設大慶殿欲乞權用文臣權併郎以上
武臣正任刺史以上東朵殿職事官六曹郎中以上并臺諫官西朵殿橫
行并宗室選郡以上所有其餘文臣通直郎以上及承務郎見任寺監主
簿以上職事官并廂都指揮使並諸軍指揮使並乞權免赴坐至日已係
主班稍久其免赴坐臣僚等欲乞候上壽訖於殿門外逐幕次賜酒食訖
退詔依二十七日禮部太常寺言正旦大朝會依禮例班首合稱上公外
所有合差官下項伏乞朝廷降敕差官一朝賀并上壽侍中三員一員奏

中嚴外辦并奏解嚴一員御前奏中嚴外辦并奏解嚴一員承旨宣制并奏禮畢並乞差侍從官押樂太常卿一員殿下協律郎一員太常博士一員贊引上公並乞差太常寺官知閣門官四員一員進中嚴朝賀上壽并引上公朝賀一員進外辦朝賀上壽并引中書令奏諸方鎮表朝賀一員進解嚴朝賀上壽一員引上公上壽一朝賀中書令一員奏諸方鎮表并讀表乞差執政官參知政事二員一員奏祥瑞表并讀表一員押諸方鎮表案戶部尚書一員奏諸州貢物請付所司禮部尚書一員奏諸蕃貢物請付所司刑部尚書一員奏天下斷絕請付史館並乞差侍從官一員上壽侍中一員奏請延公主等并殿殿中監一員以爵并站授上公并進第一第二第三爵酒殿中少監一員注酒光祿卿一員奏請允郎臣上壽並乞差兩省卿監等詔依大朝會儀陳設前期儀衛司張設垂拱大慶殿門之內設御榻於殿慶殿當中南面設東西房於御榻之左右稍北設東西閣於殿後之左右殿上前楹施簾設香案於殿下太常展宮架之樂於殿庭橫街之南設協律郎舉麾位於宮架西北東向太常卿押樂位於宮架之前北向儀衛司設文武百官客使等次於大慶殿門外其日御輦院陳輿輦并織扇於殿下東西相向兵部陳五路於皇城於門之外俱

旗驤院列御馬於殿門外東西相向兵部帥其屬設黃麾伏於殿門之內
外並隨地之宜中書後省設諸方鎮表案於殿西門之外門下後省設祥
瑞案於殿東門之外外舉案職掌各二人引案令史各一人戶部以諸州禮
部以諸蕃供物陳於宮架之南諸州諸蕃以所貢物量數入殿諸州在東
諸蕃在西各押當職掌二人餘物陳於門外太常設典儀位於殿下近南
稍東贊者三人在其後俱面向朝賀其日贊明閣大慶殿門文武百官客
使等入就次服朝服樂正帥樂工先入就位協律郎入就舉麾位太常卿
入就押樂位典儀帥贊者先入就位九執事與陪位者以次入參知政事
以諸方鎮表給事中以下所奏祥瑞表置於案次垂拱殿樞密并知閣門官
已下樞密都承旨至逐房副承旨及在內監臨祇應橫行武功大夫至保
義郎及合赴垂拱殿立班橫行武功大夫至修武郎內侍省都知押班已
下并帶御器械官並履笏一班帝御器械官如係正任殿內侍省都知已
下班餘歸本職班內侍省都知已下即於樞密班東別駕一班當祇應知
閣門官以下提點使臣一班於樞密班前立閣門附內侍進班齊牌皇帝
出殿下鳴鞭先行門禁衛諸班親從等迎駕自贊四拜起居皇帝坐當祇
應知閣門官已下提點使臣一班常起居訖如引入使已起居者上奏焉

爲宣卷知閣門官歸祇應位餘官退宣贊舍人揖樞密以下躬赴當殿北
向躬通樞密某官姓名已下起居稱賀復位舍人贊拜樞密已下再拜揖
笏舞蹈又再拜樞密奏聖躬萬福訖入再拜樞密出班俛伏跪致詞訖俛
伏興歸位樞密已下再拜揖笏舞蹈又再拜知閣門官當殿躬承旨復位
西向立定宣有制樞密已下再拜宣卷制樞密已下再拜揖笏舞蹈又再
拜訖樞密并知閣門官樞密都承旨至諸房副承旨並於殿東階下分東
西立以俟導駕餘官先退次舍人贊管軍臣僚軍衣杖子宣名四拜起居
訖贊祇候引駕俟皇帝起尊至常御殿南閣子下樞密已下並退並易朝
服赴大慶殿侍立管軍易朝服大慶下分東西侍立俟輦降東階至大慶
殿後皇帝降輦入西閣門導官易朝服御榻前分左右侍立知樞密院事
簽書樞密院事知閣門事至簽書樞密院事都承旨至
諸房副承旨在西帶御器械官並殿上侍立當侍立閣門舍人以下兩朵
殿立不常祇應舍人並於殿東階下立諸軍將校入就位四方館先引諸
方及海外蕃客閣門客省引交州高麗夏國使副御史臺知班引殿中侍
御史先入就位次武功大夫以下次御史臺引太常卿以下百官次侍御
史以下次正任防禦使團練使以下俱入殿庭就位東西相向立伎術官

北向次引起居郎舍人入諸香案對立起居郎西向舍人東向上舞歸本
次引六曹侍郎及開封尹至大司成次兩省官次節度使至觀察使
次御史大夫中丞次學士待制次太尉次一品二品文官次禮直官引三
公宰相親王使相執政官於殿門外序班三公三少侍中中書令在殿門
南階下稍東叅知政事又在其東左散騎常侍在其東次給事中左諫議
大夫次左司諫左正言又在其東觀文殿大學士資政殿大學士翰林學
士承旨翰林學士資政端明殿學士在叅知政事之南稍東觀文殿學士
以下稍却翰林學士承旨以下又稍却特進在端明殿學士之南稍前與
觀文殿大學士班齊六曹尚書令紫銀青光祿大夫光祿大夫在其東次
六曹侍郎又在其東開封尹至大司成在六曹侍郎之南御史大夫在吏
部尚書之北中丞在其東太子三師在光祿大夫之南稍前與特進班齊
三少在其東次賓客詹事又在其東左金吾衛左衛左諸衛上將軍在大
子三少之南每等重行異位並西向北上親王使相在殿門南階下稍西
叅知政事又在其北稍西右散騎常侍在其西次中書舍人右諫議大夫
次右司諫右正言又在其西龍圖閣學士以下與右散騎常侍班齊直學
士在其西次待制又在其西太尉在南節度使在其西次承宣觀察使又

在其西右金吾衛右衛右諸衛上將軍在節度使之南每等重行異位並
東向北上禮直官舍人引侍中版奉中嚴復位內外符寶郎奉寶先出陳
於御榻之左右少頃又引侍中版奏外辨皇帝服通天冠絳紗袍簾撝殿
上鳴鞭禁衛諸班親從輿轎下應奉人自贊四拜起居皇帝御輿出西閣
協律郎跪伏舉麾興工鼓祝宮架奏乾安之樂凡樂協律郎跪舉麾工
鼓祝而後作僊麾是故而後止皇帝出自西房內侍承旨索扇扇舍人
北向贊東西班并執儀將士就位四拜起居執長戟及有妨拜跪兵士止
應唱呼萬歲皇帝降輿升御榻閣門官贊拜訖北向隨班再拜西向贊各祇候
臣樞密以下並再拜贊拜閣門官贊拜訖北向隨班再拜西向贊各祇候
皇帝南向坐簾捲內侍又贊扇閣殿下鳴鞭憂敵樂土爐煙升禮直官舍
人引殿門外序班官分東西入宮架奏正安之樂俱就位東西相向立樂
止贊者引恭知政事押表案入詣西階下東向立給事中押祥瑞案詣東
階下西向對立定歸本班俟大起居畢復表案及祥瑞案位禮直官舍人
引班首以下橫行北向西省官學士待制上將軍以下依舊東西相向立
三公使相三少侍中中書令並殿下北向西上左右僕射在其南恭知政
事在中書令之北稍東左散騎常侍在其東次給事中在諫議大夫次左

司諫侍寮郎左正言又在其東每等重行異位觀文殿大學士資政殿大學士翰林學士承旨翰林學士資政端明殿學士在左散騎常侍之南觀文殿學士資政殿大學士稍前觀文殿大學士又稍前並西向北上親王在殿下北向東上參知政事在親王之北稍西右散騎常侍在其西次中書舍人右諫議大夫次右司諫右正言又在其西龍圖閣學士以下在右散騎常侍之南樞密直學士以下在其西侍制又在其西每等重行異位並東向北上左金吾衛左衛左諸衛上將軍在橫階南黃道之東大將軍在其東率府率又在其東俱西向北上右金吾衛右衛右諸衛上將軍在橫階南黃道之西將軍在其西率府副率又在其西東向北上特進在儀石之南稍東六曹尚書左光祿大夫在其南次六曹侍郎開封尹至大司成開封尹以下在六曹侍郎之東少卿次太常卿至中大夫次殿中少監至中散大夫次七寺少卿至奉直大夫次左右司員外郎至朝奉大夫次六曹員外郎至朝奉郎次太常丞至承議郎次開封知縣至奉議郎次太史局正至通直郎次致仕官次陪位未陞朝官宣徽郎以下又在其南御史大夫在光祿大夫之東中丞在其南次侍御史殿中侍御史監察御史又在其南太子三師在御史大夫之東與特進班齊三少在其南次賓客

虎事次左右庶子以下又在其南每等重行異位夏國使副在陪位官之東軍員在宮架東黃道之東諸方及海外蕃客在其南如北一國即在西並北向西上太尉在儀石之南與特進班齊節度使在其南次承宣觀察使次防禦使次團練使次刺史次武功大夫以下次致仕官又在其南通侍大夫至右武大夫在防禦使之西中亮郎至右武郎在其南和安大夫以下至翰林良醫在武翼大夫之西少絕和安郎以下至翰林醫正在其南每等重行異位高麗使副在陪位官之西交州使副在高麗使副之西軍員在宮架西黃道之西諸方及海外蕃客在其南進奏官在貢物之間諸州貢首在其南並北向東上伎術官在宮架之前醫官醫學生在東西上待詔藝學在西東上並北向並在文武百官後如武功大夫至修武郎員多即併後所官在東班百官後典儀曰拜贊者承傳在位官皆再拜稽第舞蹈又再拜班首不離位奏聖躬萬福典儀曰拜贊者承傳在位官皆再拜訖次引中書令叅知政事分至兩階下各於案取所奏表以次分東西階升中書令取方鎮官高一表至殿上分東西立叅知政事在東中書令在西禮直官舍人引承旨侍中升東階詣殿上之東西向立禮直官舍人太常博士引上公升西階正安之樂作上公升降並正安之樂作至殿

二樂止凡上公升殿中書令請長官舍人引至殿下閤門官跪上接引禮
直官傳士閤門官引上公詣御榻前北向俛伏跪百餘皆躬奏稱文武百
僚上公具官臣某等言元正啓祚萬物咸新伏維皇帝陛下膺乾納祐與
天同休俛伏興百餘立降階俟上公還位典儀曰再拜贊者承傳在
位官皆再拜播笏舞蹈又再拜訖躬侍中進當御榻前躬承旨退臨折檻
稍東西向稱有制上公并應在位官皆再拜訖躬宣曰履新之慶與公等
同又宣訖復位在位官皆再拜播笏舞蹈又再拜引上公以下分東西序
立次禮直官閤門官引中書令進當御榻前北向俛伏跪奏稱中書令具
官臣某奏諸方鎮表奏訖播笏讀表執笏置表於笏上俛伏興少退東向
立次禮直官舍人引參知政事詣御榻前奏祥瑞表如諸方鎮表之儀畢
各降階置所奏表於案上興參知政事俱還本位表案祥瑞案退禮直官
舍人引戶部尚書詣橫階南承制位俛伏跪奏稱戶部尚書臣某言諸州
貢物請付所司俛伏興躬侍中前承旨退西向曰制可侍中復位舍人曰
拜戶部尚書再拜贊祇候還本班次引禮部尚書俛伏跪奏稱禮部尚書
臣某言諸蕃貢物請付所司俛伏興躬侍中前承旨退西向曰制可侍中
復位舍人曰拜禮部尚書再拜贊祇候還本班次引刑部尚書俛伏跪奏

稱刑部尚書臣某言天下斷絕請付史館俛伏興躬侍中前承旨退西向
曰制可侍中復位舍人曰拜刑部尚書再拜贊祇候還本班無即不奏太
史令同次引太史令俛伏跪奏稱太史令臣某言某月日雲物祥瑞請付
史館俛伏興躬侍中前承旨退西向曰制可侍中復位舍人曰拜太史令
再拜贊祇候還本班侍中進當御榻前俛伏跪奏稱侍中臣某言禮畢俛
伏興降階復位內侍承旨索扇扇合簾降鳴鞭協律郎跪俛伏舉麾興工
鼓祝宮架奏乾安之樂皇帝降座閣門官贊殿上侍臣樞密以下再拜贊
拜閣門官不拜御輿入自東房還東閣侍衛如來儀內侍又贊扇開殿
樂止禮直官舍人引侍中奏解嚴文武百官退內外符寶郎奉寶以次出
伏設如舊就位少休樞密都承旨以下退樞密都副承旨如係文臣或正
任上壽綴本班赴坐陪位致仕及未陞朝進奏官貢首並先退餘官就次
賜酒食以上上壽有司排設備太常設登歌於殿上立舞表於鄼綴之間
尚醞設壽尊於御座之東稍北設站於尊南加清一尊站爵以御前金
玉器充有司設御茶牀於御座之西稍北有司設群官酒尊於殿下之東
西又設群官座並如聖節上壽儀閣門客省四方館承受御史臺知班太
常寺禮直官舍人引三公宰相親王使相宗室文武百僚諸方及海外蕃

客并人從等各就位三公親王以下分東西相向序立諸方及海外蕃客
在宮架西南高麗上中節人從在蕃客之西次州職員又在其西並北向
東上夏國人從在宮架東南蕃客之東並北向西上禮直官舍人先引侍
中版奏中嚴少頃又版奏外辦皇帝服通天冠絳紗袍簾捲內侍承旨索
扇扇合殿上鳴鞭皇帝御輿出東閣協律郎跪伏兼麾興工鼓祝宮架
奏乾安之樂皇帝出自東房降輿即御座南向簾捲內侍贊扇開殿下鳴
鞭受鼓樂止爐煙升禮直官舍人引班首以下橫行北向典儀曰拜贊者
承傳在位官皆再拜隨拜三稱萬歲引班首以下分班東西序立禮直官
引殿中監少監升殿東階詣酒尊所次禮直官舍人引侍中升東階詣殿
上之東西向立次禮直官舍人引侍中升東階詣殿上之東西向立次禮
直官舍人引光祿卿詣橫階南承制位北向使伏跪奏稱光祿卿臣某言
請允群臣上壽使伏興躬禮直官引侍中進當御榻前躬承旨退臨折檻
稍東西向曰制可侍中退復但舍人贊拜光祿卿再拜訖贊祇候復本班
內侍進御茶淋次殿侍於橫階南酬酒訖禮直官舍人引班首以下橫行
北向典儀曰拜贊者承傳在位官皆再拜隨拜三稱萬歲禮直官舍人太
常博士引上公自東階升詣酒尊所北向殿中監以爵授上上公公揖笏受

爵詣御榻前少東西向立殿中監開爵殿中少監注酒於爵訖禮直官太常博士閤門官引上公升榻詣御座前躬進皇帝執爵上公執盤跪興降榻以盤授殿中監上公執笏詣御榻前俛伏跪百條皆躬奏稱文武百僚上公具官臣某等稽首言元正首祚臣等不勝大慶謹上千萬歲壽俛伏興百條直身立引退降階復位典儀曰拜贊者承傳在位官皆再拜隨拜三稱萬歲躬禮直官引侍中詣御榻前承旨退西向宣曰舉公等觴宣訖退復位典儀曰拜贊者承權在位官皆再拜隨拜三稱萬歲躬禮直官宣下分班東西序立禮直官舍人太常博士引上公自東階升至殿中監前北向揖笏受盤升榻詣御座西向立皇帝舉第一爵宮架作和安之樂飲訖樂止上公受虛爵訖虛跪興降榻以爵授殿中監訖執笏引降階班首以下復北向位立定典儀曰拜贊者承權在位官皆再拜揖笏舞蹈又再拜宗室通郡刺史及武功大夫以下并伎術官並退門外賜酒禮直官舍人引侍中自東階升進御榻前俛伏跪奏稱侍中臣某言請延公王等升殿俛伏興降階復位次引侍中詣御榻前躬承旨西向稱有制上公并應在位官皆再拜訖且躬宣曰延王公等升殿侍中退典儀曰拜贊者承傳上公并應在位官皆再拜揖笏舞蹈又再拜禮直官舍人引公王以下升

殿兩廊郡官並立於席後殿中監升榻詣御座東西向進皇帝第二爵酒
第三第四爵進酒並如上儀每進酒舍人揖臣僚起立帝後進酒訖贊執

座登歌進某回登歌曲名樂章命詞臣取箴中所存祥瑞撰第二第三第
四爵並同飲訖樂止殿中監受虛爵殿上群官詣橫行位不升殿者於席
後立舍人曰各賜酒舍人曰拜贊者承傳上下群官皆再拜隨拜三稱萬
歲舍人曰就座群官皆座太官令行群官酒群官揖受酒宮架作正安
之樂文武人立宮架北觴行一周凡酒巡周並太官令奏樂止尚食典御
奉御進食置御座前太官令設群官食凡食編並太官令奏宮架奏文舞
作三成止出殿中監進皇帝第三爵酒群官立於席後登歌奏某曲飲訖
樂止殿中監受爵舍人曰就座群官皆坐太官令行群官酒宮架作正安
之樂武舞入觴一周樂止尚食典御奉御進食置御座前太官令設群官
食宮架奏武舞作三成止出殿中監進皇帝第四爵酒登歌奏某曲太官
令行群官酒並如第二爵之儀觴行一周樂止舍人曰可起群官皆立於
席後禮直官舍人引侍中詣御榻前使伏跪奏稱侍中臣某言禮畢使伏
興群官俱降復位立定典儀曰拜贊者承傳在位官皆再拜揖笏舞跪又
再拜訖分東西序立內侍承旨索扇扇合簾降鳴鞭協律郎使伏跪舉麾

興工鼓祝宮架奏乾安之樂皇帝降座御輿入自房還東閣侍衛如來儀
內侍贊扇開曼戲樂止禮直官舍人引侍中版奏解嚴所司所司承旨放
伏在位官皆再拜退宣詞令於橫階南慰勞將士隨詞逐句應喏再拜次
太常樂工退馬端臨通考建炎以來朝野雜記大朝會者此與十三年十
月詔米歲舉行之王望之為禮部侍郎言排辦不及請自來年冬至既而
不果十五年正月朔旦乃先行用黃伏三千三百五十人視東都舊儀獨
三之一時無大度殿遂權於崇政殿行之以殿狹聲出房不鳴鞭宅如故
事是日設宮架樂百官朝服上壽如儀自是一行而止時學士院撰十二
曲有端木成文滄海澄清瑞粟呈祥之曲是歲冬至亦止文德殿稱賀上
壽亦用和安之曲十五年九月十四日禮部太常寺言勘會冬至大朝會
依太常寺條具前兩月中請所有今年冬至大朝會合取自朝廷指揮詔
權免自是元正冬節宰執宰文武百僚於文德殿拜表稱賀二十九年十
月二十一日禮部太常寺言勘會今年冬至并來年正旦依禮例宰臣率
文武百僚詣文德殿拜表稱賀緣今來見在太行皇太后服制之內欲乞
依禮例宰臣率文武百僚詣文德殿進名奉慰詔依三十年十月十一日
禮部太常寺言檢准明德皇后典故景德三年春正月甲辰朔上不受朝

群臣詣闕拜表稱賀契勘前項典故係在明德皇后小祥之後當時過正月朔上不受朝羣臣詣闕拜表稱賀所有今年冬至并來年正旦大朝會亦係在顯仁皇后小祥之後欲乞依前件典故各於是日皇帝不受朝宰臣率文武百僚詣文德殿拜表稱賀詔並免拜表稱賀三十一年十月二十七日本常少卿王晉等言勘會今年車駕巡幸有合條其下項一將來冬至正旦拜表稱賀緣在恭文順德仁孝皇帝服制之內已申朝廷乞行奉慰所有今來車駕巡幸沿路冬至正旦欲權免奉慰一今來巡幸行宮官僚過冬至正旦欲乞於和寧門外望行在拜慰表所有表文令禮部修撰拜表訖付進奏院入遞投進詔依三十二年十月四日禮部太常寺言勘會今來冬至并來年正旦大朝會緣係在欽宗皇帝服制之內依典故是日皇帝不受朝群臣詣闕拜表稱賀詔依隆興元年十一月五日禮部太常寺言勘會正旦大朝會依太常寺條前兩月申請所有來年正旦大朝會合取自朝廷指揮詔權免十二月八日禮部太常寺言所有將來正旦日依禮例宰臣率文武百僚詣文德殿拜表詔依自後倣此乾道九年九月二十五日詔每歲冬至正旦大朝會例降指揮權免所有百官稱賀立班儀注令禮部御史臺闕門太常寺討論申尚書省取旨

十二月十四日兵禮部言准都省批下白劄子為大朝會設伏送兵禮部同共討論申尚書省兵禮部契勘得紹興十四年大朝會已降指揮自來排設黃麾大仗五千七十二人今權減三分之一用三千三百五十人隨宜擺列紹興十三年視朝於文德殿排設黃麾半仗二千四百一十五人所有今來正旦朝賀今討論欲乞依紹興十三年用黃麾半仗二千四百一十五人排設詔依 十八日禮部御史臺閣門太常寺言正旦朝賀節次欲乞比附端誠殿稱賀禮例皇太子文武百僚七拜大起居訖皇太子出班致詞復位又五拜樞密承旨稱有制皇太子已下兩拜俟樞密宣答訖皇太子已下又五拜畢退伏令降指揮下日乞令御史臺閣門太常寺同共修定儀注詔依 同日禮部太常寺言將來正旦朝賀拜數節次禮部御史臺閣門太常寺已將供申朝廷外今欲比附以前五禮新儀月朔視朝儀條具下項 一將來正旦皇帝御大慶殿設服鞞施即御座受賀 一將來正旦皇帝御大慶殿皇太子文武百僚並服常服稱賀詔依二十四日兵部言據左右金吾衛伏六軍儀仗司申將來正旦朝賀欲乞依紹興十三年禮例擬設今開具合行事件下項 一合用部轄統制將官各二員請前儀仗旁頭一十八人并執擎儀仗人兵二十三員六十四人合

於殿前司差撥 一契勘儀仗並合於殿前隨宜排設所有大旗三十四口合於殿門外排設前一日卓立依例量留人兵三十四人部轄將官二員守宿看管其餘儀仗至日守廳正門入殿排立 一執儀仗人兵職掌旁頭係入殿應奉之人合用初入殿門號具數於皇城司關請 一依例於朝賀前二日報皇城司前一日關職掌旁頭入殿標認地方 一合差金吾司官二員充攝上將軍 一合差金吾司引駕四色官碧欄共三十人詔依 二十五日禮部太常寺言勘會將來正旦稱賀今條具到申請事件下項 一依已降指揮皇太子出班致詞樞密承旨宣荅今檢照元正朝會議注朝賀致詞云元正啓祚萬物咸新伏惟皇帝陛下膺乾納祐與天同休宣荅詞云履新之慶與卿等同之所有來年正旦稱賀致詞并宣荅詞欲乞依上件禮例施行 一將來正旦皇帝御殿服鞞袍即御座受賀今欲乞以射殿權作大慶殿 一來年正旦稱賀欲乞是日皇太子文武百僚先趲赴立班稱賀畢次大金使人入賀賜茶酒訖其從駕官以俟從駕詣德壽宮起居太上皇帝並如已行儀注 一來年正旦稱賀所有合趲赴官并應奉人等欲乞入麗正門出和寧門徑赴德壽宮以俟立班起居訖內不係從駕官却趲赴本處以俟迎駕奏聖躬萬福及乞是日

嚴正和寧門并南北宮門及經由大慶殿門戶並早二刻開詔依自後做
此 淳熙元年九月七日禮部太常寺言勘會冬至大朝會依太常寺條
前兩月申請所有今年冬至大朝會合取自朝廷指揮詔權免 同日禮
部太常寺言勘會將來冬至大朝會已降指揮權免所有朝賀令欲乞依
淳熙元年正月一日正旦朝賀節次比附端誠殿稱賀禮例施行詔依其
儀仗儀注令禮兵部御史臺閣門太常寺重別討論申尚書省十月十四
日禮兵部御史臺閣門太常寺言尋下左右金吾街仗司討論去後本司
申昨淳熙元年正月一日大慶殿朝賀排設黃麾半仗二千四百一十五
人今承指揮將來冬至朝賀排設儀仗本司今討論欲乞用黃麾角仗一
千五十六人今欲依左右金吾街仗司討論到事理施行詔依 二十九
日禮部太常寺言將來冬至稱賀令條具到申請事件下項 一依已降
指揮皇太子出班致詞樞密承旨宣荅令檢照冬至朝會儀注朝賀致詞
云晷運推移日南長至伏惟皇帝陛下膺乾祐與天同休宣荅詞云履
長之慶與卿等同之所有將來冬至稱賀致詞并宣荅詞欲乞依上件禮
例施行 一將來冬至皇帝御大慶殿服韞褱即御座受賀令欲乞以射
殿權作大慶殿 一將來冬至稱賀欲乞是日皇太子文武百僚趑趑立

班稱賀畢其從駕官以俟從駕詣德壽宮不係從駕官俟稱賀立班訖先詣德壽宮門外以俟迎駕奏聖躬萬福如值雨或雷濕權免俟皇帝詣德壽宮大次降輦次報皇太子率執并文武百僚詣德壽宮殿下立班次入上皇帝即御座殿下禁衛起居如常儀以俟皇帝升殿并皇太子率執文武百僚朝見起居太上皇帝並如已行儀注 一將來冬至稱賀所有合起赴官并應奉人等欲乞入麗正門出寧和門徑赴德壽宮以俟立班起居訖內不係從駕官却起赴本處以俟迎駕奏聖躬萬福詔依自後做此二年十月十一日詔冬至百官朝賀拜表為行奉上尊號冊寶典禮權免一次其合詣德壽宮拜表稱賀用前一日 八年十二月二十九日詔正月一日大慶殿文武百僚稱賀為值雨特免設儀伏乞至羣臣朝賀儀正旦群臣朝賀儀詳見前冬至下

淳熙十四年十一月六日禮部太常寺言勘會今年十一月十四日冬至緣在太行太上皇帝服制之內乞是日宰臣率文武百僚詣德壽殿入臨次移班進名奉慰皇太后皇帝皇后仍乞是日除合從駕官并應奉官隨駕外其沿路逐幕次起居權免起居先赴德壽宮門外以俟迎駕起居如值雨雪濕權免詔依十二月十八日禮部太常寺言勘會來年正旦緣在大行太上皇帝服制之內乞是日宰臣率文武百僚詣德壽殿入臨次移班進名奉慰皇太后皇帝皇后仍乞是日除合從駕官并應奉官隨駕外其沿路逐幕次起居官權免起居先赴德壽宮門外以俟迎駕起居如值雨雪濕權免詔依淳熙十五年十一月四日禮部太常寺言檢准紹興三十年十月十一日勅檢准明德皇后典故景德三年春正月甲辰朔上不受朝群臣詣閤門拜表稱賀契勘前項典故係在明德皇后小祥之後當時過正月朔上不受朝群臣詣閤門拜表稱賀所有紹興三十年十一月十六日冬至并三十一一年十一月十六日冬至并三十一一年正旦亦係在顯仁皇后小祥之後依前件典故冬於是日皇帝不受朝宰臣率文武

百僚拜表稱賀奉詔並免拜表稱賀契勘今來十一月二十五日冬至并
來年正旦係在高宗皇帝小祥之後緣有前項典故指揮所有宰臣率大
武百僚拜表稱賀更合取自朝廷指揮

入祀類

歷代羣
臣謚

銷

宋會要 追封先世名臣謚

大中祥符元年十一月詔周文公旦可追封文憲王于

兗州曲阜縣建廟春秋委州長吏致祭

大中祥符元年十月詔維師尚父寔贊隆周宜加謚昭

烈武成王仍于青州建祠廟

尚書中候

玉璜即璠溪之水釣其涯得玉璜刻曰姬受命呂佐之
報在齊故果封於齊或云魚腹中得玉璜

入禮類
旌表

旌表

宋會要

孝婦

淳熙三年台州奏臨海縣婦人陳氏夫亡年少子幼有
媒議親陳氏撫膺慟哭仆地復欲自刃父母許以不復
議嫁方免奉舅姑極孝舅朝散大夫朱景山得風眩疾
侍湯藥未常少怠姑年百有一歲臨終執其手曰願婦
子孫衆多壽如我其侍母碩人亦甚孝今年九十三齒
髮不衰二子希尹希牧皆舉進士所居室右萱草合頤
而花反得疾二子叩頭祈禱願以身代遂愈邑火災城
市將至所居而滅孝義所感上曰此當旌表以厲風俗
今次慶赦年九十者自合與封號又孝行如此可封安

人

人馬口口口口

宋會要 田獵

太祖建隆二年十一月十九日始獵于近郊賜宰臣樞密使以下見任前
任節度使樂園使刺史統軍侍衛諸軍都校錦袍其日先出禁軍為圍
場五坊以鷲禽細犬從帝親御狐矢射中走兔三從官貢馬解頰中路頓
召近臣賜飲至夜還宮其後凡出田皆然從臣或為官袍暖執親王以下
射中者賜以馬十二月二十日出玄化門校獵于近郊三年十月二十七
日出玄化門校獵于近郊十一月二十六日出迎秋門校獵于近郊射中
走兔一四年十月二十一日校獵于近郊射中走兔一三十日校獵于北
郊射中走兔二乾德元年十一月二十六日校獵于近郊射中走兔三二
年十一月二十日校獵于西郊射中走兔三十二月八日臘校獵于陽武
縣二十九日校獵于北郊射中走兔二四年正月命湖南兵馬都監及雄
霸瀛莫州刺史領所部兵大獵于幽州界以權北郊五年九月二十一日
校獵于近郊十一月五日校獵于近郊射中走兔二臣僚進奉稱賀皆不
納迺幸金鳳園賜侍臣名馬有差六年八月四日按鷹于近郊九月出就
化門按鷹于北郊幸飛龍院賜侍臣飲十月十一日校獵于近郊迺幸飛
龍院賜侍臣食十五日校獵于近郊射中走兔二開寶二年正月五日校

獵于近郊由興禮門幸安管城賜伶臣名馬銀器有差十一月十一日校獵于近郊十三日復校獵于近郊並迴幸金鳳園十二月一日獵校獵于近郊射中走兔三三年十月二十四日校獵于近郊十二月十日校獵于近郊四年十二月二十一日校獵于近郊五年十二月四日獵校獵于近郊八年九月三日校獵于近郊玉海八年九月秋上回迴幸為師而墜國刺馬腹之傷曰吾為天下主而輕事故遊非馬之罪自是不復獵太宗太平興國二年九月二十八日丙辰出薰風門校獵于近郊帝親御弧矢射走兔四徼制獵詩一章羣臣屬和十月二十四日校獵于近郊射中走兔三十二月十四日庚午校獵于近郊親王宰相翰學郎蔡防園刺史父呂劉錫李煜渤泥國使從行射中走兔二迴幸金鳳園張樂賜從官飲三年十月十八日壬午校獵于西郊淮海國王及契丹高麗使皆從至魯溝射中走兔三迴宴玉津園十二月二十五日校獵于西郊射中走兔二迴宴金鳳園帝因語宰臣曰老子云馳騁田獵令人心發狂及書云外作禽荒為人上者下不得不戒歷官前王多惑於此而致喪敗朕今順時蒐狩為民除害非敢以為樂也四年十一月十三日己丑幸玉津園因校獵于近郊射中走兔四五年九月二十日壬戌校獵于近郊射中走兔四十二月五

日甲戌車駕北征駐蹕大名五日校獵于近郊因以閱武賜禁軍校及衛
士襍穽帝親射中麋二走兔四時獵狐兔普眾申命禁之有衛士奪得
麋主者以違令當死帝曰殺之則後世必為我重歎而殺人因赦其罪十
一日北征迴騷大名府因校獵近郊六年十二月十五日己卯校獵于近
郊射中走兔四顧謂從臣曰臘日出狩以順時令緩轡從禽且非荒也迺
幸講武臺張樂賜從官飲七年閏十二月七日丙申校獵于近郊射中伏
兔二還幸講武臺賜從官飲雍熙二年十一月二十四日校獵于西郊射
中走兔五因謂宰相曰古者蒐狩以所獲之禽薦饗宗廟而其禮久廢今
可復之乃下詔曰順時蒐狩禮有舊章非取樂於畋遊將薦獻於宗廟久
廢前制曷甚焉今者暫狩近郊爰遵時令親射所獲兔但為宜其以所
獲禽獸付所司薦饗太廟永為常式四年十二月二十一日臘校獵于西
郊親射獲雄兔五因謂近臣曰今日之行蓋徇眾之意馳騁弋獵非所好
也行次近甸賜從官飲命學士賦臘辰從獵詩于行宮未白等子以詩上
端拱元年十月三十日詔自今除有司順時行禮之外其罷近甸遊獵五
坊所畜鷹犬並放之諸州不得以鷹犬來獻玉海端拱元年十月癸未詔
曰洛河之獸上林之獸明聖不違朕惟好生之德解網之仁今後順時行

後非時吏不共進由道獵五坊鷹犬殺之計五不將來故淳化三年十一月二十四日定難軍節度使趙保忠獻鵠一號海東青詔曰朕久罷畋遊盡放鷹犬無所事此地近邊塞時議武事其以所獻鵠還賜之五年十二月九日臘命壽王等獵于近郊帝雅不好弋獵至是但命諸牧^王狩順時令而已真宗咸平二年十一月二十日狩于朱遼頓射中走兔三卧兔飛雄各一召從臣賜食蕪暮還宮三年十二月五日戊申校獵于近郊親射走兔二走狐一至力成頓召從官賜食翌日以所射狐兔付宗正寺薦于太廟餘賜醵臣四年十一月二十二日庚寅校獵于近郊射中走兔三伏兔二走狐一飛雄一有兔伏於道周命殿前都指揮使高瓊射獲之至棘寺頓宴從臣玉海是年十二月丁未右贊善宋昭亦獻大州賦景德元年十一月十四日校獵于近郊至于岡村見民舍有牆垣頗深室屋卑陋者因幸之乃稅戶喬謙也召見其家人賜萬錢衣三十事免三年磨調宴近臣于史胡頓從官獲兔者第賜馬寧正元偃馬三疋殿前副都指揮使劉謙馬軍副都指揮使曹璨步軍副都指揮使王德各二疋馬軍都虞候張晏步軍都虞候鄭誠各一疋賜從官食於朱遼頓夜漏一鼓還宮時五坊前導者取路太遠未時始至頓所當起其怠命決杖於空微院三年十

二月十二日乙酉校獵于近郊射中走兔七詔付光祿寺薦余廟至朱運
項賜從臣食夜漏一鼓還宮四年二月十二日詔車駕朝陵五坊鷹隼從
行者並先還京帝謂宰臣曰五坊之名先帝已嘗停廢今所存者但令改
收養於軍中今乳哺之時何須校獵故令先發大中祥符二年六月十九
日詔教駁所養鷹鵠除量留十餘事以備諸王從時展禮外餘悉罷之四
年正月六日詔法邊州軍不得因迎送出城寨驍獵犯者以違制論天禧
元年五月十八日詔入內內侍省以所養鷹鵠獵犬五十三隻因獲龍
使臣齎放名山高嶺之所八月七日詔向罷放五坊鷹犬其京城四面禁
園草地全開封府告諭百姓許耕墾畜收仁宗慶曆五年八月九日詔樞
密院討詳先朝校獵制度以聞曰真宗封還之後不復收獵雖五坊三職
要禽走犬悉放諸山林至是始集賢院李東土上言祖宗校獵之制所以
隨時令而訓武事也陛下臨臨以來未嘗時此禮願詔有司草儀遵日命
殿前馬軍司至出兵馬以從獵于近郊故命討聞之九月十九日入內
侍省內侍都知李永矩提舉五坊入內供奉官何誠用為五坊承受公
事仍詔三司將來出獵置頓東路於韓村西路於楊村其供奉物預辦之
十月一日詔開封府供備出獵園內鷄兔四日殿前司言凡從出獵只令

捧日三十三指揮有馬軍士從駕各帶木連架棒三十條遮圍禽鹿從之
十六日殿前司開門入內內侍有楚肅隨駕禁衛所言乞依大中祥符四
年指揮親王中書樞密宣徽使并一品官左右僕射許將帶從人各四人
三司使副度使生祠察使學士上將軍御史中丞承郎內客省使各三人
給諫舍人大卿監防園刺史大將軍樞密都承旨各二人客省引進四方
總局宣問門使副諸司使副帶省職館職朝臣樞密副承旨通事舍人諸
衛將軍及執轡使使臣並不得帶從人入禁衛內帶器械在禁衛內隨駕
通事舍人二人在禁衛內引駕內侍黃門二人在禁衛內祇候傳宣並不
得帶從人開門祇候并三班使臣諸司庫務使臣並不得入禁衛內其禁
衛內祇候使臣不許帶入從人差親事第一指揮長行三十人卽級二人
管押着青錦襖子繫銀腰帶如遇合波接馬人臣僚於駕前禁園內下馬
卽令親事官接馬從之十七日五鼓帝御內東門賜從官酒三行奏鈞容
班樂女瓊林苑門賜從官食遂縱獵于楊村宴于曠殿奏教坊樂遣使以
所獲馳薦太廟既而召父老臨問賜以飲食茶餉及賜五坊軍士銀絹有
差者老賜絹八十歲以上七疋以下五疋軍臣賈昌朝等語陛下順時收
獵登廟祖以昭孝閔軍實以誨武飲昔年以養賜田夫以勸農一出而四

美其望宣付文錦從之六年二月一日左屯衛大將軍致仕趙振上校服
圖皮履經詔付五坊所四月五日詔進第一等合羅雲馬錦方座子一十
片給軍臣使相第二等攢馬雲地錦條褥二十條給參政樞密第三等合
羅雲鳳錦條褥三十條給合赴座臣僚令儀衛司收管出獵供應非次不
得用十月十四日三司官將來出獵諸班人從支破喫食園場軍士支破
食錢從之十一月二十一日詔閣門出獵日內東門不面賜臣僚茶酒只
就幕次到頓亦不作樂御筵如初射中狐兔臣僚下馬賀賜茶酒再射中
則不下馬如日色早暮進水鉢射中狐兔就彼賜茶酒如日色晚至
羅村迴陣射着更不下馬端茶酒畢還內庭時召預宴臣僚賜旋餅菓子
二十五日獵于城郭之東韓村山常王王津園十一月五王王去呈來馬十
騎士數十為左右為以旗鼓令園場徑十餘里郭隊相應帝極憐中道
駐輦弓矢而盡復禽之時道傍居民或畜狐兔危懼之類無不為之
謂獵之曰收獵所以訓武事非專務獲也志令獵之至林店御帳殿召問
所遺又皇子孫供養之數土地種植所宜且數其衣食蠶繅而能享壽如
此人加尉爵之久過牧道郊遠衛士更奏夜駕前皆向內相當拉執聚
以相決勝又謂獵曰此亦可以觀士之士也先來與所遺民因反

內者租稅一年時文趾李德政適遣使獻馴象示見特召賜紫袍塗金
帶令預料之於是群臣爭獻賦頌有以四騊馬式百十二月四日詔諸州
軍臘日不得預下諸縣科率狐兔二十四日詔出獵巡狩如下馬賜茶酒
隨便設御座不須正南七年三月十一日詔出獵賜茶酒使相以上許座
新造減輕蒲墊上紫錦方褥餘臣僚仍舊用錦條褥二十一日詔自今罷
獵于近園所有鷹犬令五坊收管

全唐文

宋會要 大閱講武

國朝開寶通禮有四時講武儀祖宗之初四方未寧多
親臨閱亦無常所雖不盡用其儀但講修戎事而軍儀
精銳實天下之威觀太祖建隆三年十一月七日帝以
殿前侍衛諸軍騎及京都兵從車駕出立北門大閱於
西郊寶錄兵十一月辛酉講武於近郊先是晉漢以來常
安籍閱兵仍校騎擊判明射之藝有怯而無勇者命
去之至是始大講武事帝謂近臣曰日頃禁兵雜多未
嘗訓練朕昨蒐去冗弱遂十日復講武於近郊西大閱
西郊寶錄甲子時而教習太宗太平興國二年九月二十日幸講
武臺大閱帝屬意戎事每朝罷即於便殿或後苑觀閱

禁卒取伉健者隸親軍罷軟老弱悉分配外州自是藩
衛之卒益精遂令築臺講武於城西千秋門外之楊村
因名臺曰講武先是殿前楊信董其事帝以信病瘖
翰分布士伍南北緇言命天府左廂軍都校崔朝代之
望其所舉以為進退之節每按旗指縱則千乘萬騎周
旋如一甲兵之威近代無比帝鄧高臺與從臣臨觀大
悅是日遣中使張以金幣賜之崔翰首益三年十二月
因謂左右曰晉朝之符必無如崔翰也
言晉室將歸不得其人而軍政隳紊也
二十四日幸講武臺觀飛山卒發機石射連弩將有事
于晉陽以習武事 眞宗咸平二年四月二十九日華
州進士許夔上言力能舉五十斤鐵擲高大餘承以背
及嘗學劍術願試之帝召見令與武士擊劍數四賞其
趨勇錄為三班奉職五月十四日百姓張古伐登聞鼓

自陳十二學劍舞今年十六願試之帝召與騎士擊刺
 數四補東西班殿侍八月十六日大閱諸軍於東北郊
 先是高築臺臺上設屋十里得東武村庚辰命殿前都指揮
 人憑高築臺臺上設屋十里得東武村庚辰命殿前都指揮
 揮使王超為左右兩院教授都總管龍神衛四兩都指揮
 使飛進副之宣徽北院使周瑩為隨駕都總管宮苑使
 使仁寶西京左藏庫使郭崇信為左廂押陣使前忠
 步軍都軍頭呼延贊執起為左右兩廂押陣使前忠
 為右廂排陣使客省使樞密都承旨王繼英為大陣前
 都軍檢校宣使李神福洛苑使都巡檢內侍都提舉神
 典副之宮苑使咸信為京師副都殿前侍衛馬步諸軍二
 十萬自夜三鼓初分出諸門遲明乃絕詰旦帝按轡出
 東華門諸王輔臣三司使學士尚書侍郎御史中丞給
 舍及上將軍節度觀察防禦團練使刺史並賜戎服以

從帝頓於行宮諸軍陣于臺前左右相向步騎交屬繇
亘二十里諸班衛士翼侍于後軍儀整肅有司奏皇帝
升臺東向御戎帷召從臣坐而觀之殿前都指揮使王
超執五方旗以節進退又以行列遐遠號令所不能及
遂於兩陣中起侯臺相望使人執旗如臺之數以應之
初舉黃旗則諸軍旅拜舉赤旗則騎進舉青旗則步進
每旗動則鼓作而士譟之聲震于百里皆三批而後退
次舉白旗諸軍復拜呼萬歲者三有司奏陣堅而整士
勇而厲欲再舉之帝曰可止矣顧謂超曰士衆嚴整戎
行練習卿之力也遂舉黑旗以振旅軍於左者略右陣
以還由臺前出西北隅軍於右者略左陣以還由臺前

出西南隅立凱旋而後退御幄殿召從臣宴飲教坊奏樂迴紇火等門閣諸軍還營鈞容奏樂於樓下復召從臣座賜飲至哺還宮明日又賜近臣飲於中書諸軍將校飲於營中內職飲於軍器庫諸班衛士飲於殿門外大閱所獲民田蠲其租上作大閱五年詩令屬和儒臣梁顥曾致堯盛元劉錡楊惲等各上大閱頌賦銘詔付史館三年正月七日并代鈴轄李先正引廣銳騎士數百人對十行宮前殿帝與輔臣同觀之曰聞是兵久經戰陣皆可驅沃遂命先正屯那州賜將士給錢遣之四月二日帝御便殿召河北防城舉人康克勤等三十人試以强弓勁弩克勤善左右射擊劔凡中選者十人並

補三班借職四日太子中允王儼言前知趙州吳州游

騎至城下有學究朱著者勇而善射命召募壯士百人

守醴南關城門訖虜退無敢窺其門者帝命引對以勦

弓試之補三班借職十四日御便殿閱兵神騎第五副

兵馬使焦隆自稱善盤鐵梁重五十斤命試之隆舞於

馬上往復如飛命遷本軍軍使玉海是十五年十一月十一日

月五日御崇政殿閱捧日天武右第一軍第一指揮教

戰前列騎士步卒次之舉赤幟則騎進青旗則步進弓

弩齊發天下如雨以金鼓節其進退擢射御超倫者遞

補軍職仁宗天聖元年二月五日詔樞密院較定試

諸軍班弓弩並依先朝舊制時帝御承明殿試龍直十符四人弓弩不中殿前

部指揮使射昭言石斗硬不
等再試復揀中工人故有是詔

五年九月十三日

御崇政殿臨軒召輔臣觀龍衛神勇軍列射于庭中習
戰陣之狀先騎射次步射進退節以鉦鼓頌極精妙

九年三月九日西頭供奉官閣門祗候李大成以準詔
教習用遮箭團牌軍革事詣便殿請對命試於前初令
二人對射三發天次四人為伍弓弩齊發次擊劍闐梨
皆精習詔遷大成一官賜卑士緡錢十年十月十七
日召虎翼武騎二軍習陣于崇政殿庭分步騎為四陣
召輔臣觀焉景祐二年八月二十三日紀甲幸安肅
門砲塲觀飛山雄武放砲又令捧日天武龍衛神衛虎
翼諸軍為戰陣之法具擊刺騎射之精者悉遷補之遂

宴從臣于幄殿

四年八月二十一日詔諸軍習陣法

帝親臨閱擇材勇

或藝者遞升之餘賜以絳錢康定

元年三月十一日御崇政殿觀虎翼軍士教習戰陣召

輔臣觀焉七月十五日御延和殿閱諸軍士卒習戰陣

法九月二十九日御崇政殿閱龍衛軍士教陣法選材

勇者遷之慶曆二年六月二十六日御崇政殿閱涇

原路蕃落弓箭手教陣先是帝以西師用兵賊再入

戎隙起闕下故也先是月初令騎射皆號號也向進有

亡於邊部其法皆死王事者時與子姪六人到向堅尤

俊伴帝取其弓手引之甚苦慰勉久之又見其善射曰此

善射國難得也因尋第遷轉以十月二十一日御崇政殿觀

龍衛軍士習軍陣皇祐元年六月十七日右殿直趙

據
擬

璞試武藝授閤門祇候其父振致仕偕入自陳筋力未
衰屢經戰陣詔授右屯衛大將軍落致仕解州防禦使
京西鈐轄至和元年十月二十八日幸城北砲場觀放
砲遂宴從臣賜衛士緡錢十一月五日詔修城西砲場
臺仍令八作司繪圖以上神宗熙寧三年八月七日
御崇政殿閱左藏庫副使开贊所教牌手上詔諭曰觀
其進退輕便不畏矢石誠為利器可令殿前步軍司擇
給刀手號健者依贊法教習五年五月二十八日御
崇政殿閱涇原路街教陣隊詔以陣法頒行諸路
涇原路經畧使蔡挺於衛中庭勤武堂肄習諸將軍馬
然開州志原五有法召挺為樞密副使因上言而引試
戰於便元豐四年四月六日上御延和殿觀閱試保甲雍

三顯曹王顯侍少選命顯等坐閱試畢賜茶即從還禁
中九月十九日帝御崇政殿召執政賜坐閱試潭州集
教大保長并監教使臣等四百八十二人畢三人補三
班借職三十三人補三班差使借差餘賜銀絹錢有差
東上閤門使榮州刺史狄諮遷四方館使朝散郎劉定
遷集賢校理監教使臣等轉官或減磨勘年六年正
月二十九日常御崇政殿閱燕達所肄習教侍七十人
各賞射一石四斗帝問能加否皆曰願射一石七斗
帝令易弓皆引滿顧謂樞密都承旨張誠一曰人材
事藝大抵相若教幾多時誠一對曰半年帝曰在教未
久首能應格並與三班借職各賜袍笏銀帶沿邊指使

十月五日捧日左軍第六將第三指揮押官董安王宣
長行潘演賀斌劉福郝秀解起並為三班奉職賜袍帶
馬充邊上指使以引試武藝皆能射一石五鈔弓也

哲宗紹聖三年六月十八日軍頭司引蕃官東上閣門
使雄州防禦使李忠傑等呈試武藝詔忠傑李阿埋
各與轉一官內忠傑回授與兒男阿埋賜名世恭加遙
郡刺史元符二年正月九日軍頭司引見蕃官呂永
信等永信并男細禹輕下埋試藝各賜靴袍並自陳乞
賜姓趙從之高宗皇帝建炎三年六月二十一日上
諭輔臣曰朕欲親閱武宰臣呂頤浩曰方右武之時理
當若此祖宗時不忘武備如鑿金明池蓋欲習水戰張

浚曰祖宗每以上巳遊幸必命衛士馳射因而激賞亦
所以講武上曰朕非久命諸將各閱所部人馬當與鄉
等共觀足以知諸將能否不時以事紹興五年正月十一
日皇帝御射殿閱諸班直殿前司諸軍指教使臣親從
宿衛親兵并提轄司押親兵使臣射射共一千二百六
人每六十人作一撥十四日皇帝御射殿閱諸班直親
從等射射遂詔戶部支金一千兩付樞密院激賞庫充
激槁使用三月二十日皇帝御射殿閱等子趙青等五
十人角力轉資支賜錢銀有差八月二十三日皇帝御
射殿閱廣東經略司解發到韶州士底子弟陳裕試神
臂弓特補進武校尉賜紫羅窄衫銀束帶差充本路經

略司指使 三十年十月二十七日皇帝御射殿引三

衛統制統領同充領入內射射詔餘合赴內教人依年

例支降例物令逐司自行按試等第給散

教是日止引統制 三十二年四月二十五日皇帝御射

統領改有是詔 殿隔門持坐引呈新舊行門射射 孝宗隆興二年五

月八日上宣諭宰執曰朕以今月十七日幸門外大教

場引呈三衛出戍四軍人馬賜以犒設宰臣湯思退等

奏欲差都大彈壓官主管一行事務官監散犒設官仍

令臨安府修固沿路橋道上曰不須如此只差官監散

犒設仍令臨安府修固橋道不得拆毀民間屋宇

雨止令三衛同犒賞 乾道二年十一月二十二日詔今月二

曦
面

十四日車駕幸候潮門外大教場進早膳畢次幸白石
教場抽摘進呈三司軍馬應從駕臣僚自祥曦殿並戎
服起居從駕往回是日有旨內管軍御帶環衛官從駕
宰執已下免從就逐幕次賜食俟進晚膳畢免奏萬福
并免賜茶從駕還內二十四日上幸候潮門外大教場
進早膳次幸白石教場閱兵三衙率將佐等導駕詣白
石皇帝登臺三衙統制統領官等起居畢舉黃旗諸軍
皆三呼萬歲拜訖三衙管軍奏報取旨馬軍上馬打
教戰舉白旗三司馬軍首尾相接舉紅旗向臺合圍聽
一金止軍馬各就圍地作圓形排立射生官兵隨鼓聲
出馬射獐兔再一金止疊金射生官兵各歸陣隊舉黃

旗射生官兵就御臺下獻所獲是日有數將獨手運大刀上問李舜舉曰此刀可重幾許奏曰刀皆重數十斤上曰卿能教閱如此精明奏曰臣爲才但恭依聖訓又宣諭陳敏曰軍馬衣裝整肅如此且襲其能以家財造軍裝訓練整齊及人物謀畧時慰勞錫賚諸將鞍馬金帶以及士卒賞皆有差諸軍歡騰鼓舞就列百姓觀者擁峙如山時久陰曠登皇帝出郊雲霧解散風日開霽主營殿前司王琪等繼奉聖訓曰前日之教師律整嚴人無譁囂分合應度朕甚悅之皆卿等力也執政百司自恨不能一見琪等曰此陛下神武之化六軍恭謹所致臣願得以此爲陛下勅絕姦宄上肯之其日祥曦殿

皇帝出宮行門禁衛等迎駕常起居皇帝坐閤門官已

下修注御帶環衛官等並戎服常起居次觀王執政官

已下並戎服常起居皇帝起居訖從駕皇帝乘馬出從駕官

從駕至候潮門外大教場皇帝下馬入幄殿從駕官等

並歸幕次進早膳畢幄殿入內官唱排立皇帝出幄殿

行門禁衛等迎駕奏萬福從駕官等並皇帝來馬皇帝

王管軍知閤門幸白石教場至將臺下下馬外臺入幄

殿侯入內官唱排立皇帝出幄行門禁衛等迎駕奏萬

福皇帝坐皇帝太子親王知閤門管軍往來照官閤門分引殿

前馬步三司統制統領官常起居訖次三司將佐已下

聽鼓聲常起居侯教閱陣隊訖次殿師王琪下將臺來

尚於教場教閱親隨射筭椿并野戰畢次諸軍射生幄
殿上移椅子皇帝坐觀諸軍射生次三司統制統領將
佐使臣射中獐鹿等於臺下置定傳官賜殿師王琪三
司統制統領官金碗一各十兩射生將佐使臣等七兩
五兩銀碗有差本軍引三司統制統領官等赴幄殿下
再拜謝訖退次入內官再傳旨賜殿師王琪射筭椿并
野戰人銀一千兩引赴幄殿下再拜謝恩訖退放教拽
隊皇帝歸幄殿坐管軍進皇帝酒一盞皇帝飲訖管軍
再拜謝次入內官傳旨宣皇太子親王知閣管軍賜酒
飲訖皇帝起入幄殿皇太子已下進歸幕次俟皇帝出
幄行門禁衛等迎駕奏萬福皇帝乘馬

從駕官免奏萬福東馬以候從

萬以至候潮門外大教場

應從駕福

從駕回皇帝乘

馬入和寧門至祥曦殿上下馬還宮

四年十月四日

殿前司言準已降旨令三司祇備教閱令射親相視龍

王堂北江岸以東等灘一帶平地可作教場已修築將

壇將未三司馬步軍並各全裝披帶衣甲執色器械至

日先赴教場下方營排辦俟聖駕陞臺聽金鼓起居畢

依資次變陣教閱所有聖駕出郊除禁衛所策差儀衛

外欲於本司入陣馬軍內摘差護駕馬軍八百人騎執

鎗旗帶弓箭軍器作十六隊於儀衛前後列從各分八

隊隊各五十人往回沿路各動隨軍番鼓笛大樂及摘

差本司入教陣隊內諸軍步親隨一千人并統領將官

三員執弓槍帶刀斧軍器至日先赴將臺下各分左右
於後壁週圍留空地三十步以容禁衛外作三重環之
依已降旨稟差入教及從駕往回并圍臺擺獻二十人
騎外有用不盡十一百十三人其兩忠毅軍見閑在寨
馬軍共二百十人騎欲於內撥二百人騎前一日於緒
山以來打圍射獐兔候教陣畢以射到獐兔至御臺下
進獻從之十四日詔今月十六日進早膳畢車駕幸灘
上抽擇諸軍人馬按教宰執管軍知閤御帶環衛官自
祥曦殿戎服起居從駕餘並免從逐幕次賜酒食候進
晚膳畢免奏萬福并免賜茶從駕還內應府城內外公
路逐幕次並免迎駕起居并免奏萬福如值雨從駕臣

僚并儀衛等並許張兩具十五日閤門言今來駕幸灘
上抽摘諸軍人馬按教所有祥曦殿皇帝坐常起居其
御帶環衛官帶軍中差遣者免從駕徑赴灘上教場管
軍仍執骨朵於御厨南迎駕宰執親王已下宣名宰執
或有奏事如儀其灘上教場皇帝坐閤門引三衛統制
統領官立以殿前馬步軍為次序將佐已下同諸軍就
隊伍本軍招撥起居隨拜三呼萬歲已後教閑次序并
或有恩旨唱賜等並依例本軍招撥謝恩從之十六日
上幸茅灘抽摘諸軍人馬全裝執色前一日於教場東
列幕宿營是日三衛管軍與各軍統領將佐全裝披帶
導駕來馬至護聖步軍大教場亭更擲甲冑到灘皇帝

登臺三衙起居畢權主管殿前司王達奏三司人馬齊
舉黃旗諸軍呼拜者三達奏請從頭教中軍鳴角倒門
角旗出營馬步軍簇隊成收鼓訖連三鼓馬軍上馬步
人撮起旗槍四鼓舉白旗中軍鼓聲旗應變方陣為備
敵之形別高一鼓步軍四向作禦敵之勢且戰且前馬
軍出陣作戰聞之勢別高一鼓各分歸地分五鼓舉黃
旗變圓陣為自環內固之形如前節次訖二鼓舉赤旗
變銳陣諸軍相屬魚貫斜列前利後張為衝敵之形亦
依前節次訖王達奏人馬教絕取旨擺當頭舉青旗變
放教直陣收鼓訖一金止重三鼓馬軍下馬步人散落
旗槍皆應規矩皇帝太悅犒賞倍之士卒歡呼謝恩如

儀鳴角聲簇隊訖放教拽隊夫人分東西引拽馬軍交
頭於御臺下隨隊呈試駢銳大刀武藝繼而進呈車砲
大砲煙槍及赭山打圍射生馬步軍統制官蕭麟^鶴巴等
以所獲獐鹿等就御臺下進獻人馬拽絕是時冬日
霽溫士民觀者如山皇帝復御常服乘馬至車子院宣
喚殿前司撥發官馬定速侯彥昌各賜馬一疋彥昌仍
自準備將特陞副將馬步軍司撥發官亦依例宣喚賜
馬又因進御酒上謂王遠^達曰今日教閱進止分合軍律
整肅皆卿之力也遠奏陛下神武四海共知六師軍容
孰敢不肅特賜酒俱以十分遠奏以軍馬事不敢飲上
曰少與之親減之太平飲畢謝恩退又宣問主管侍衛

馬軍司李舜舉今日按閱之兵比向時所用之師何如
舉舜曰今日所治之兵皆陛下平時躬親訓練撫以深
恩賜之重賞忠勇百倍非昔日可比其日皇帝至祥曦
殿行門禁衛等並戎服迎駕常起居皇帝坐知閣門官
已下修注御帶環衛官等並戎服常起居率執已下並
戎服常起居訖皇帝乘馬出從駕官從駕至候潮門外
大教場御幄下馬入幄更衣訖依已降指揮率執管軍
侍從已下皇帝帶全裝甲出幄行門禁衛等迎駕奏萬
免從駕侍從已下皇帝帶全裝甲出幄行門禁衛等迎駕奏萬
福從駕官并應奉臣皇帝乘馬廣王恭王並自大教場
執使相正任管軍知閣門至灘上教場臺下馬升臺入幄
帶環衛官並戎服從駕

皇帝歸幄從駕官率執親王使相正任知閣御帶環衛

官升臺於幄殿分東西相向立管軍並令全裝衣甲帶
御器械執骨朵升臺於幄殿指南面西立俟入內官唱
排立皇帝出幄行門禁衛等迎駕奏萬福皇帝坐殿門
分引殿前馬步三司統制統領官常起居訖次三司將
佐已下聽鼓聲常起居次殿帥王逵執骨朵赴御坐前
奏教直陣俟教閱畢再赴御坐前奏教閱畢歸侍立位
內侍傳旨與殿前太尉王逵諸軍謝恩承旨訖轉與撥
發兵引三司統制統領將佐再拜謝恩訖各歸本軍皇
帝起入幄更衣訖皇帝出幄皇帝坐舍人引宰執暨後
立俟進御茶床舍人贊就坐宰執躬身應喏訖直身立
就坐進第一盞酒起立暨後俟皇帝飲酒訖舍人贊就

坐躬身應喏訖直身立俟宰執酒至接盞飲酒訖盞付
殿侍次舍人贊喫食並如儀至第四盞傳旨宣勸訖御
藥傳旨不拜舍人承旨贊不要拜贊就坐第五盞宣勸
如第四盞儀酒食畢舉御茶末舍人分引宰執於幄殿
東行立御藥傳旨不拜舍人承旨訖揖宰執躬身贊不
要拜各祇候直身立降階道歸幕次皇帝起乘馬至車
子院下馬皇帝出幄至車子院門樓上親王使相正任
車子院門樓上相向立得旨宣管軍知閣卿皇帝坐賜
親王酒再拜謝訖次賜使相正任并管軍知閣卿帶環
衛官酒訖逐班再拜謝訖依舊相向立次親王執盞進
皇帝酒皇帝飲酒訖一班再拜謝訖俟皇帝觀有畢起

降車子院門樓歸幄親王已下退侯駕臣奏皇帝

來馬出車子院門行門禁衛等巡駕奏萬福皇帝乘馬

至候潮門外大教場先候駕臣奏從駕官並戎服乘馬

從駕迴皇帝乘馬入和寧門至祥曦殿戎服起居從駕

六年十二月一日詔今月三日詣大教場進早膳畢次

幸白石進晚膳內管軍知閣御帶環衛官自祥曦殿戎

服起居從駕外餘並免從駕臣僚還幕次賜酒食俟進

晚膳畢免奏萬福并免賜茶從駕還內庭府城裏外公

路逐幕次並免巡駕起居并四更奏萬福如往兩從駕

臣僚及儀衛等並許張兩具二日殿前司言將來駕幸

茅雉所自隨從三司馬步軍兵共一萬二千四百人係

作二百四十八小隊引拽緣經由街道窄狹并出入營寨門十餘處必擁遏還帶乞於內摘差殿前司護聖馬軍五百人騎分十小隊前引六隊三百人騎於都亭驛前以東擺列後從四隊二百人騎於省北一帶擺列步軍一千人作二十小隊並於大教場內伺候駕到分十二隊六百人作前引八隊四百人作後從四隊馬步軍並執紅怕旗餘馬軍千五百人騎作三十小隊在灘下沿道擺設馬軍司馬軍二百人騎作四小隊於右邊擺設候駕到灘軍司馬軍二百人騎作四小隊於左邊安路並於儀衛前後作引從週圍隨從候到臺內殿前司馬軍五百人騎安軍千人分作御臺週圍侍立所有殿

前馬步軍司步軍並先赴臺前作方營排班候駕入御
帳依已得處分並卓歇散飯其不係圍臺三司馬軍千
九百人騎亦並入營依次下馬卓歇散飯內殿前司馬
步軍並執黃雲旗馬軍司馬步軍^緋旗步軍司馬步軍
白旗以俟駕回引從並如未儀其元不係隨駕步軍候
駕廻塘路依軍次引拽歸寨詔於數內更撥步人三千
灘內擺隊伺候從駕餘並依所奏三日上詣大教場早
膳次幸白石其日祥曦殿禁衛臣僚等戎服迎駕^常帝起
居如四年之儀皇帝乘馬出從駕官從駕至候朝門外
大教場御幄殿下馬入幄殿從駕官等並歸幕次進早
膳畢幄殿入內官喝排立皇帝出幄殿行門禁衛等迎

駕奏萬福

依已降指揮官軍知閣御帶環衛官從駕外餘並先從駕臣僚並先奏萬福

皇帝

乘馬

中親親王使相並戎服從駕

至白石料臺下下馬升臺入隆殿

從駕宰執親王使相管軍知閣御帶環衛官並戎服於

幄殿東西相向立

御樂傳旨令宰執親王人齊皇帝出已下奏萬福並賜酒食

幄行門禁衛等迎駕奏萬福皇帝坐知閣閣官已下御

帶環衛官奏萬福訖升臺東

壁面西立宣贊舍人已下於臺下分東西

相向次管軍奏萬福訖升臺西壁面東立次臺上舍人

引宰執親王使相太尉一班奏萬福訖升隆殿次就坐

舍人承受分司殿前馬步三司統制統領官常起居訖

次三司將佐已下就逐隊伍聽鼓聲常起居次宣管軍

赴坐並就座酒三盞並宣勸進酒並起立飲酒訖不拜

就坐酒食畢並降幄殿舍人引宰執親王使相太尉立
定次管軍於臺下立定御樂傳旨不拜舍人承旨訖俾
躬身贊不要拜各祇候直身立復升臺分兩壁立次宰
執奏事人宣親王使相太尉管軍知閣御帶環衛官於
御坐東壁用禮佛繡地坐散酒畢退歸幕次皇帝起來
馬至車子院行門禁衛等迎駕奏萬福皇帝幄前下馬
入幄俟皇帝出幄至車子院門樓上宰執親王使相太尉
環衛官於車子院門皇帝坐賜宰執已下酒訖退皇帝
樓上東壁西侍立起歸幄殿依已降指押從駕臣僚
免奏萬福乘馬從駕禁衛等迎駕奏萬福至候潮門外大教場依已降指押
並免奏從駕官並戎服乘馬從駕迎皇帝乘馬入和寧

萬福

奏

從駕官並戎服乘馬從駕迎皇帝乘馬入和寧

門至祥曦殿上下馬還宮

續宋會要

淳熙四年十二月十日大閱殿步兩司諸軍于茅灘臣
僚儀衛等皆戎服扈從諸軍統制統領將佐並介冑恭
導皇帝乘馬至教場皇帝登臺皇太子執政使相知閣
御帶環衛官俱從登臺殿前副指揮使王友直侍衛步
軍都虞候田世郛奏人馬成列舉黃旗諸軍統領將佐
已下呼拜者三迺奏發嚴舉白旗聲四鼓變小方陣次
變四頭八尾陣為禦敵之形次變大方陣次舉黃旗聲
五鼓變圓陣次舉皂旗聲一鼓變曲陣次舉青旗聲三
鼓變直陣次舉緋旗聲二鼓變銳陣每陣馬軍各隨所
教之陣雙頭出營作連環四交頭左右策每海眼掠陣

前十六隊作一行進戰管軍奏五陣教畢放教是日天氣晴爽無纖雲器甲精明光輝原野士氣勇銳天顏甚悅上宣諭友直等曰器甲鮮明紀律嚴整皆卿等留心軍政深可嘉尚擢賜將士有差既而宣皇太子執政使相管軍對御宴于臺宴畢從駕還內 十年十一月十三日上幸龍山教場大閱臣僚及儀衛等皆戎服扈從至教場皇帝登臺宣皇太子率執侍從知閣正任侍立管軍奏人馬成列諸軍統制統領將佐等各就隊伍拜呼萬歲者三迺奏馬軍分合取旨發箭舉青旗聲三鼓變作三直陣高一鼓鼓音作馬軍透籠提作六行疊二鼓舉白旗聚為四陣疊二鼓舉緋旗聚為兩陣疊二鼓

舉皂旗聚為一陣疊二鼓白旗左右綽分為四陣疊二鼓青號帶磨復散為六行高一鼓作蟠龍之勢變作品字三陣旋轉回合次六撥馳驟各射響箭三又令左右前後互相交迎畢管軍奏放教場設諸軍將士有差皇太子率執以下從駕還內

十六年

光宗即位

七月二十三日詔朕

嗣位之初諸軍人馬未曾合教可於十月內擇日幸城南大教場大閱其合行事件令有司條具以聞既而殿前司言將來入教場馬步軍乞依昨淳熙十年按閱體例並各全裝放帶衣甲執色器械仍乞至日先赴教場下方營排辦俟駕陞御停座聽金鼓起居畢依資次變陣教閱將來大閱軍馬除禁衛所裏差儀衛外乞依昨

淳熙十年按閱體例於本司護聖馬軍內摘差七百人
騎步軍司摘差三百人騎作二十小隊前引後從各一
十隊隨駕祇應其殿步兩司諸軍兵將官等乞依淳熙
十年按閱體例令各隨本軍將隊起居至日導駕至御
亭下帶甲於御亭上侍立並從之二十四日詔將來大
閱應官兵隨身器甲或有闕少損壞令本軍自與修治
不得輒令培備其衣裝隨宜服用毋令創新製造仰主
帥預行約束毋致違戾八月二十四日殿前司言契勘
馬軍司亦有所管龍衛雲武騎等指揮官兵隊伍并金
鼓手見趨赴教閱照得逐次教閱並係附入步軍司一
就合教文散稿設了當所有今未合教乞將本司入隊

官兵附入步軍司一就教閱施行從之九月二十五日
詔諸軍從來教閱自有一等新鮮旗幟器甲別項椿收
今訪聞諸軍又欲創新製造以務奇巧甚非朕撫恤諸
軍之意深慮因而科擾士卒可行下殿步司約束諸軍
不得橫有費用或有損弊合行修換之物並令支破官
錢仍遍榜諸軍各使知悉以稱朕意十月九日詔今次
大閱可比舊例增支犒賞一十萬貫卹郭鈞同趙濟公
共照應已合教等第則例逐一均定增支二十八日上
幸城南大教場大閱臣僚及儀衛等皆戎服扈從至教
場皇帝登亭宣宰執侍從知閣正任侍立管軍奏人馬
成列諸軍統制統領將佐等各就隊伍拜呼萬歲者三

廼奏馬軍分合取旨發嚴舉白旗聲四鼓變作九軍方
陣次舉黃旗聲五鼓變作圓陣次舉青旗聲三鼓變作
四顧直陣次弩手射射人馬分東西兩廂次奏陣隊教
絕人馬擺當頭次謝恩從駕還內先拽諸處擺到軍馬
次教場內軍馬拽隊連三鼓馬軍上馬步人擺起槍旗
一鼓一金拽行其日行門禁衛諸班直親從等並戎服
於後殿下排立閤門報引率執便相侍從正任宗室遙
郡以下并知閤門官等軍御帶環衛官并修注應奉官
等自後殿並戎服立班定閤門奏班齊皇帝服紅窄衣
犀束帶裹頭巾出宮殿下鳴鞭行門禁衛等並迎駕自
贊常起居皇帝座知閤門官以下次宰臣以下次管軍

並起居訖出殿皇帝起步降東階下殿乘馬出後殿門
經由麗正門出候潮門入大教場至幄殿瓦涼棚下馬
皇帝歸御幄次內侍喝排立閣門報引宰執以下管軍
并應奉官等於幄殿下立班定閣門奏班齊皇帝出幄
殿下鳴鞭禁衛等並迎駕奏萬福皇帝坐宰執以下并
管軍應奉官等逐班並奏聖躬萬福訖各歸祇庭侍立
位次本軍標撥諸軍起居訖俟教閱畢皇帝暫起次宣
宰執以下賜茶訖退應從駕宰執使相等并應奉官及
儀衛並從駕還內如來儀至後殿下馬入宮 紹熙四
年十月六日詔宣諭殿前司諸軍今月十三日宣押新
舊人當日兵官於內教場教閱 一赴內中教閱共三

千三百二十三人帶甲三千二百七十三人帳前都撥
發官以下至教頭共一十二人兵將官共四十九員統
制官一十員統領官九員將官三十員教門三千人內
新舊人各一千五百人入陣六十四隊每隊各四十五
人計二千八百八十人土軍各二百七十人選鋒軍前
軍右軍遊奕軍左軍後軍一軍四百五十人護聖步軍
一軍三百六十人神勇軍一軍一百八十人中軍白旗
子一百二十人每軍各一十二人金鼓手角匠二百人
內中軍護聖步軍各一百人門角旗一十二人並護聖
步軍不帶甲檣垛子打箭牙兵五十人一教陣節次第
一教直陣第二教曲陣第三教銳陣候陣隊教絕擺轉

分左右兩廂令弩手各射箭四隻內弓箭手先上行子
射六十步垛子射畢射箭次弩手上行子射一百步垛
子候射絕射箭訖人擺當頭謝恩畢放教槁賞有差十
六日軍諭步軍司招到新入不知教閱得純熟否可具
奏未絕而步軍司都虞候聞仲言自到任之後節次招
收到三色軍兵二千四百三十三人並各斟量材性宜
習武藝官給弓弩槍刀箭鑿之類令逐軍統制官指教
閱習訓練例皆純熟乞摘差合千人旗頭并白旗子金
鼓角匠等通作二千一百人依殿司體例擇日入內教
閱陣隊射射弓弩得旨十一月十二日宣赴內中教閱
一兵將官二十二員並全裝帶甲統制統領官一十

二員各帶弓箭腰懸劍手執骨朵侍立免令射射統制
官五員統領官七員內一員兼本司都撥發官將一十
三員各腰懸手刀帶弓箭隨隊射射四正將八員副將
二員準備將一員同準備將二員本司撥發官一員
一赴教官兵二千一百一十一人並全裝帶甲入陣一
千九百九十七人共五十六隊新人一千人舊人八百
七十七人白旗子一百二十人訓練官五十一人弓箭
手各射鑿子箭四隻腰懸手刀教頭九人官兵一千九
百三十七人弓箭手三百六十七人各射鑿子箭四隻
腰懸手刀弩手三百人各射鑿子箭四隻槍手六百五
十人牌手二百五十人各腰懸手刀并執打草棒刀手

二百五十人白旗子槍手一百二十人各背手刀金鼓
角匠門角旗等一百一十四人一諸色祇應六十人
各戎服不帶甲打箭五十人提轄主行教閱文學使臣
一十人一應十合用軍器金鼓旗幟草垛等至日將帶
入內教場下方陣營俟聖駕陞殿起居畢先教四直陣
次教圓陣並各趨戰次令弓弩手射射各箭四隻內弓
箭六十步立垛子弩手一百步立垛子弓箭手射絕次
射絕次射弩手候打箭絕族隊排辦放教上宣諭間仲
云教練有方器甲整肅卿為朕宣力 慶元元年十月
四日御筆朕嗣位之初諸軍人馬未曾合教三省樞密
院可照淳熙十六年體例條具取旨既而復詔朕為在

孝宗皇帝制內不欲親幸按閱可擇日宰執前去大教
場內按視合行事件令郭果劉起條具以聞稿設依淳
熙十六年例支給殿前都指揮使郭果主管侍衛步軍
司劉起條具到合行事件 一淳熙十六年大閱殿步
司共窠差馬步軍二萬五千人騎在大教場內變陣教
閱其餘於門裏門外坊巷擺列今宰執按視除窠差入
教駐隊變陣外更不擺列 一兩司應管軍兵見行窠
差入陣駐隊擺列逐等人數照應淳熙十六年體例橫
類均支犒賞候見的實數目即申明朝廷給降 一至
日入教人馬排齊臣等先次入教場於廳下左側幕次
前下馬官兵聲喏畢然後差官兵赴都堂請宰執是日

自都堂來馬至教場門外易馬 一按閱軍馬理合整
肅除殿司提轄并當行教閱文字使臣人吏及衛兵量
行將帶各給牌子照驗方許入教場門所有率執府等
人從三衛難以約攔乞行下逐府幹辦措置止約內三
省樞密院除提點承旨外其餘當職事人之報下合入
教場人數職次姓名自餘應百司官員非得指揮並不
敢放入教場乞從朝廷重作施行本司出榜至日於教
場門首引掛底幾不致宣闕 一若於大教場門首辦
驗牌子放入祿地步窄狹竊恐擁闕今欲離教場門外
裏角權立門戶差人辨驗有牌號人方許放入 一淳
熙十六年將大教場南大亭子權拆去兩廊改作御亭

差班直五百人周圍排立今未止將亭子隨耳釘設更
不拆去兩廊亦不差圍亭子人兵 一淳熙十六年中
降指揮差創子一十人帶甲執法刀於御亭前排立今
欲止差八人一至日車馬排齊請宰執入教場陞廳坐
臣等帶甲執骨朵唱喏訖上廳納入教人馬數復下廳
左側幕次內彈壓令都撥發官逐旋差押教報覆聲金
鼓節次接閱 一兩司諸軍統制統領將官臣等並令
部押軍及馬入陣隨隊聲喏出入 一門裏營寨合出
門排辦軍馬乞下臨安府照節次大開體例將經由城
門至日五更初開門候軍馬拽絕却行關閉庶免遲誤
一乞照逐次例給歇泊假三日又言至日教畢乞傳

聖旨喝賜犒賞令官兵望闕謝恩未審從朝廷差官喝
犒唯復差天使前來臣等契勘舊例謝恩先一喏一拜
一呼次一拜一呼次重呼一喏伏見月今每遇駕出其
驛巷官兵體例止兩拜兩喏其謝宰執止聲一喏至日
天使到來臣等乞差馬軍二百人騎作四小隊前後迎
接底幾軍營雄壯並從之其犒賞差中使一員至日往
教場傳宣喝賜十三日詔將來大閱應官兵隨身器甲
或有闕少損壞令本軍自與修治不得輒令陪備及置
辦衣裝仰主帥預行約束毋致違戾十五日詔今次大
閱依淳熙十六年增支犒賞體例仰郭果劉超公共照
應合教等第則例逐一均定增支二十八日浙西安撫

司言照對臨安府揀中禁軍從淳熙十六年指揮合於
候潮門裏西壁擺立今未審執按視未審合與不合趣
赴擺立依例犒賞詔令隨宜擺列以備點閱依淳熙十
六年例犒設一次二年七月十七日御筆朕欲今冬
親幸茅灘大閱應有合行事令所司條具聞奏殿帥郭
杲步帥劉超言準指揮今冬親幸茅灘大閱深慮潮水
不時湔浸地面若行修治徒費工力令別行踏逐穩當
去處臣等檢照淳熙十年內親幸龍山馬院教場東西
長二百二十三步南北闊一百九十二步教閱日止用
殿前司馬軍二千四百人騎教陣六百人騎駐隊步軍
五千入御營周圍排立九百人金鼓角匠執打門角旗

等其餘殿步司馬步軍四萬五千五百三十六人前引
後從及自嘉會門外接續擺列其餘人兵觀巷并存留
照顧營寨臣等照得龍山馬院先來按閱日教得馬軍
二千四百人騎今若教馬步軍約教得馬軍八百人騎
步軍五十餘人淳熙十六年幸候潮門外大教場東西
長三百五十步南北闊二百九十五步教閱日用殿步司
馬步軍一萬二千四百人教陣一萬六百人駐隊四千
四百餘人御亭周圍排立及前引後從金鼓角匠白旗
子等其餘二萬二千六百餘人自麗正門及沿江一帶
駐立臣等照得大教場先按閱日教得馬軍一千六百
人騎步軍一萬八百人於是改命幸候潮門大教場十

九日御後殿京鐘奏十七日奉御筆令冬親幸茅灘大
閱仰見陛下優卹將士之意但降指揮太早恐沿江諸
軍亦有觀望未可報行上曰前日德音再文給口累重
大錢不曾及得三口四口之家軍人有語若出軍時我
等必不得免如何支賜不行均給所以早降指揮慰安
軍情二十二日宰執進呈京鐘等奏御筆令冬茅灘大
閱此舉甚當但近日軍人頗以德音不別加賞賜為言
恐啟其無厭之心上曰口累錢軍人果有語以為今日
止支口累重大之人他日緩急不成止差口累重大者
所以借此為名支散一次鐘等奏聖慮甚速初間止於
誕育皇子上取義今此指揮却似大早小人無知必謂

車馬軍

朝廷可以恐動今御筆已出難為中輟乞止開報三衙
諸處行移及條具事件却俟臨期理會上甚然之十月
十七日詔大閱日從駕官於駕馬車前行馬同日詔今
次大閱可依淳熙十六年增支犒賞體例仰郭果劉超
公共照應合教等第則例逐一均定給降 一殿前司
諸軍班舊司應管人七萬三千七百九十七人錢三十
八萬二千七百三十六貫伍佰文 一馬步軍司諸軍
舊司應管人二萬七千四百二人錢一十二萬七千九
百八十一貫文以上通計人一十萬一千一百九十九
人犒賞錢五十一萬七百一十七貫五佰文詔令封樁
下庫支會子二十四萬八千四百六十四貫六百文封

椿庫支會子二十六萬二千二百五十二貫九百文二
十五日詔今來大閱為天寒恐出來太早有勞人馬及
在路排列駐立可令殿步司量度諸寨遠近令略好出
寨約天明畢辦其合起居止令聲喏二十九日上幸候
朝門外大教場大閱臣僚及儀衛等並戎服扈從教場
皇帝登亭宰執侍從知閣正任侍立管軍奏人馬成列
諸軍統制統領將佐等各就隊伍拜呼萬歲者三乃奏
馬軍分合取旨發嚴舉白旗聲四鼓變作方陣次舉皂
旗聲一鼓變作圓陣次舉青旗聲三鼓變作曲陣次舉
緋旗聲二鼓變作直陣次舉黃旗聲五鼓變作銳陣次
弩手射射人馬分東西兩廂次奏教絕人馬擺當頭次

謝恩從駕還內先拽諸虜擺列人馬次教場軍馬拽隊
連三鼓馬軍上馬步人撮起槍旗一鼓一金拽行其日
後殿入內官喝排立起居班次從駕臣僚及應奉官等
並如常日駕出起居儀至候潮門外大教場內皇帝歸
幄入內官喝排立先引知閣門官已下御帶環衛官并
修注宗室遙郡簿書官閣門舍人宣贊舍人已下樞密
院諸房逐房副承旨諸司祇應官一班關班面幄殿立
定次管軍一班側立次報引宗室使相執政官侍從正
任相向立定閣門奏班齊皇帝出幄殿下鳴鞭行門禁
衛等巡駕自奏萬福皇帝坐知閣門官已下一班宣名
奏萬福訖知閣門官御帶環衛官并修注宗室遙郡簿書官閣門舍人宣贊舍人已下樞密院諸房逐房副承旨諸司祇應官一班關班面幄殿立

軍一班宣名奏萬福訖

班外侍立

次諸軍統制統領官

將佐等就逐隊伍本軍招撥起居

隨班三歲

候教閱訖如

有恩旨本軍招撥謝恩畢皇帝

趨起歸幄更不宰臣已

下並退歸幕次待班候儀駕司設坐物訖入內官唱排

立先引知閣門官并御帶環衛官修注宗室通郡簿書

官閣門舍人宣贊舍人已下樞密院諸房逐房副承旨

諸司祇應官一班閣班面幄殿立定次報引宰臣使相

執政官侍從正任管軍一班相向立定押行門報人齊

皇帝出幄殿下鳴鞭行門禁衛等迎駕自奏萬福皇帝

坐知閣門官已下一班奏萬福訖

當賜茶和閣外隨班

以俟從

駕畢御樂傳旨不拜知閣承旨應喏訖舍人引宰臣

已下一班面幄殿立定知閣傳旨不拜舍人應喏訖舍人揖宰臣已下躬身班首奏萬福訖舍人贊各就坐不要拜贊就坐直身立分引升幄殿席後相向立舍人贊就坐躬身應喏訖直身立就坐茶至贊喫茶躬身應喏訖直身立就坐接盞喫茶畢盞却付殿侍訖分引宰臣以下降階面幄殿立定御藥傳旨不拜知閣承旨應喏訖揖宰臣已下躬身贊不要拜贊各祇候直身立分出應從駕臣僚以俟從駕還內 嘉泰二年十一月五日

詔可於十二月中旬擇日朕親幸大教場按閱諸軍人

馬應有合行事件令有司條具排辦施行

十六日詔將來應官兵隨身帶甲或有關之損壞令本軍自與修潔不得取令隔城及重城索仰主帥預行約束不得違誤

閏三十七日詔今次大閱可依慶元二年增支犒賞體

例郭倪董世雄公共應合教等第則例逐一均定
增支錢數申尚書省給降殿前都虞侯郭倪侍衛步軍
都虞候兼權侍衛馬軍司職事董世雄照慶元二年大
閱犒賞等第則例殿前司諸軍班舊司廳人七萬七千
三百八十五人錢三十八萬一千六百一十二貫文馬
共軍司諸軍舊司應管人二萬六千九百九十八人錢一
十二萬七千六百九十六貫文通計一十萬四千三百
七十五人犒賞錢五十萬九千三百八貫文詔令封樁
下庫支會子三十萬貫封樁庫支會子二十萬九千三
百八貫候教訖即就教場內謝恩 開禧元年三月九
日詔殿步司梳篋弓弩手已宣押赴內殿射射內第一

等四人各與補轉三資第二等三十三人各與補轉兩
資第三等一百四十八人各與補轉一資令兩司開具
姓名申樞密院

以備無年月
學校云當在
紹興前漢
陳植作來
又公門人

潘熙十六年
一行已見卷
二十

宋會要

六

陳植為江南西路安撫司將領言軍中陞加添進事藝的在硬弓勁弩有
如弓弩手百步取勝始敵人不敢輕進而謂之長兵者是也萬一弓弩射
不及遠致敵人衝突我陣之前則與無失同矣今所在按拍唯務持滿為
合格殊不知不過聚者為不應法雖合格復何所用乞自今以往弓手以
六十步為額弩手止以一百步為額庶幾彎格有力扼救和易按拍之時
必期於滿鐵合于過標應法如是則朝廷可以得寔効而無濫賞矣望以
弓弩手降付有司重別參校擇而行之詔令承旨司同殿前步軍司者詳
淳熙十六年光宗即位詔以十月內擇日幸城南大教場大閱紹熙二年
樞密院言殿步司諸軍弓箭手帶甲六十步射一石二斗力箭十二隻六
箭中標為本等弩手帶甲一百步射四石力箭十二隻五箭中標為本等
弩手駐足舉手橫刺以四十窺並為本等今各處主帥委贖領官精加比
較本等外隊陞加最多者每軍五千五百人以上弓手取一十五名弩手
取一十五名槍手取一十五名保明解赴主帥審寔解密院取旨再試各
選取出等高强二名特與補展兩官資其餘元解到此試不中人各各司
每名賜錢五貫候將來哀同再試如事藝一同弓弩手令射遠射新比

較槍子合格關勝負比較殿步軍司就來春拍鼓一次校副尉以下至白
晨至承德部住拍軍兵自長行展至副都頭住拍鼓從之

宋會要 兵捷獻俘

太祖開寶四年二月十六日南面行營都總管潘美上言克復廣州擒偽主劉鋹命有司撰定獻俘之禮 五月一日帝御明德門樓所司陳列伏衛及馬步諸軍分於天街左右又設文武官位於樓前如入閤之儀在京九品以上官皇親諸親蕃客諸州進奉使並陪位又設獻俘位於東西街之南北向又設獻俘將校位於獻俘位之前以北為上西向有司率武士以帛條劉鋹等及其偽官皆乘馬持露布前引 露布墨書帛上將校押入自景風門次薰風門 並由東陽門入守於御路下行 至太廟西南門下馬入至南神門外北向西上立監押將校次南立俟行告禮畢於西南門出乘馬又押至太社如上儀又押至明德樓南御路之西下馬立俟皇帝將座引至位其日文武常參官並常服獻俘將校戎服帶刀攝侍中孟仁操版奏請中嚴百官就位定獻俘至攝侍中孟玄珪版奏外辦所司承旨索廟室帝常服即御座南向扇門群臣合班再拜舞蹈三稱萬歲起居訖分東西班序立通事舍人引鋹就獻俘位將校等詣樓前拜舞起居訖次引露布案詣樓前北向宣付中書門下如宣制之儀 其文曰

嶺南道行營都總管潘美副總管尹崇珂都監朱憲等上尚書兵部臣

等聞飛霜激電上帝所以宣威伐罪弔民明王以之耀武國家仰稽玄
 象大啓鴻基將復三代之土疆永泰萬方之衆聚西平已蜀雲雷敷潤
 物之恩南定衡湘江漢鼓朝宗之浪唯指南之獲俗獨特遠以倫安久
 背照臨罔遵聲教爲漢國主劉琨性惟忠忌識本庸愚以虐害爲化風
 以誅戮爲政事置火床鐵刷之獄人不聊生設對確湯鑊之刑古未嘗
 有懷刃鋒之未快用鉅解以恣情懲罰剖屠窮彼殘害一境告天而無
 路生民何地以稱冤衆心向明如望曉日我皇帝仁深恤隱美切救焚
 遂發干戈極其塗炭臣等上遏神武遙稟睿謀舉軍未及於半年乘勝
 連收於數郡累建戰陣無不掃除劉琨遠懼傾危尋差人使初則稱臣
 上表具陳歸化之心後乃設詐殺表譟作欺兵之計臣與將士等仰承
 睿旨不敢逗遛於正月二十七日已到柵口去廣南不及一程劉琨又
 頻發佐僚來往商議漸無憑准因欲遷延肅於諸處收到新出偽命文
 榜皆是會合逆黨拒敵王師至二月四日果遣其弟保興等部領衆國
 軍兵併來決戰臣等情其譟覆認此狂迷尋結陣以交鋒復揮戈而誓
 衆行營將士等識大君之撫御咸願竭忠起逆寇之拒張爭先効命八
 十里槍旗竟進數萬人殺戮無遺尋又分布師徒徑收賊壘其劉琨知

承与澄
去知教是

城隍之必臨將府庫以自焚烈燭連天更甚龍崗之火投戈散地甘從
涿野之誅劉錡則弄便括擒廣州則當特平定其在州官吏傳道軍人
百姓等卞除苛虐歲遂生全無不感帝力以需襟望皇都而稽首此蓋
天威速被震美遐敷平七十年不道之邦救百萬戶倒懸之命殊方既
大長承日月之迎光鴻祚無疆永荷乾坤之降祐其劉錡并偽命判六
軍十二衛劉保興太師潘崇徽王清宮使在龍虎軍觀軍容使內太師
龔承樞列聖宮使六軍觀軍容使內太師李托內門使驃騎大將軍內
侍中薛崇譽等明助劉錡旅拒至橋合同侍獻臣等率陪戎事倍樂聖
功無任快抃歡呼之至謹奉露布以聞

宣訖通事舍人跪授中書門下轉校構兵部尚書次攝刑部尚書盧多遜
進當樓前跪奏請以所獻俘付所司帝召張於樓前詰張譏度之罪張對
曰臣年十六僭偽位龔澄樞等皆先臣舊人每事臣不得專在國時臣却
是臣下澄樞等却是國主對訖伏地待罪次召偽官內太師潘崇徽詰訖
立於東廂次召偽官王清宮使在龍虎軍觀軍容使龔澄樞列聖宮使六
軍觀軍容使李托內門使內侍中薛崇譽三人立於樓前西廂東向攝大
理卿高繼中承制柳澄樞等斬於西市

其法場據長安故事並於子城西南隅獨柳下令如戮於渠門外即合
宜准令文合步行便以所繫白練牽引至法場斬訖得泊經宿所司即
為埋瘞如有親故一任收葬如是世為國難即以丞或首級納於太社
頭庫即棄其尸

乃詔釋銀縛命盧多遜宣制曰汝殘害遠民迭行弊政反王師之間罪頗
臣節以來降既露茲欺自招覆滅獻俘請今固合誅夷就擒無捨罪之文
釋縛示神恩之典寬爾以必死賜爾以重生宥其刑書屈我國法所得罪
特放銀拜舞稱謝次命開門使宣制釋偽官劉保興等罪自銀而下各賜
襲衣冠帶鞵笏鞵帶鞵勒馬威服其服列謝於樓前中書門下文武官進
前跪賀侍中奏禮畢放仗如儀 六月十八日詔授銀金紫光祿大夫檢
校太保右千牛衛大將軍司外郎置同正員仍封恩敕俟食邑二千戶
初將定獻俘之儀吏部尚書張昭時以足疾致仕帝遣近臣就家問其
禮昭以疾口占以授使者朝論服其該博

八年十二月一日昇州行營都總管曹彬遣使馳騎上言十一月二十七
日拔昇州擒偽國主李煜及偽官屬百餘人 九年正月四日曹彬遣使
奉露布以李煜及其子弟仲寓從姪從謙從度從信偽官屬四十五人來

獻帝御明德門樓六軍仗衛如式煜等素服紗帽列於樓前俯伏待罪遣
閣門使宣制釋之各賜襲衣冠帶繡芳錦綵先是有司上言李煜至獻俘
之禮請如劉鋹帝以煜常奉正朔非弑之比不欲暴揚其罪詔露布寢而
勿宣 其文曰

行營馬步軍戰棹都總管宣徽南院使義威軍節度使臣曹彬等上尚
書兵部臣等聞天道之生成庶類不無雷電之威聖君之銳利萬邦須
有干戈之役所以表陰慘陽舒之義彰弔民伐罪之功我國家開萬世
之基應千年之運四海盡歸於臨照八紘皆入於提封西定巴邛復五
千里昇平之地南收嶺表除七十年僭偽之邦巍巍而帝道彌光赫赫
而皇威遠被頃者因緣喪亂分裂土疆累朝皆遇於暗君莫能開拓中
夏今逢於英主無不掃除惟彼江南幸修臣禮外示恭勤之貌內懷奸
詐之謀況李煜比是朕重困無遠略負君親之煦育信左右之姦邪曾
乖量力之心但貯欺天之意修葺城壘欲為固守之謀招納叛亡潛萌
抵拒之計我皇帝義深舍垢意在包荒輟青瑣之近臣降紫泥之丹詔
曲示推恩之道俾修入覲之儀期暫詣於闕庭庶盡銷於疑間示信特
關於生路親述自履於危途託疾不朝聖心背順士庶咸懷於憤激君

起曲為於優客但於孤孽之過蒙慮臨人民於塗炭累宣明旨庶俾自新
略無悛悟之心轉忘陸梁之性事不獲已至於用兵大江特級於長橋
銳旅再圍於逆璽皇帝陛下尚垂恩宥終欲保全遣親弟從鑑歸回降
天書委曲撫諭務從庇護無所關焉終懷蛇豕之心不體乾坤之造送
蠟書則勾連逆寇肆兇徒則劫掠王民勞我大軍踰周歲既人神之
共怨復飛走以無門貌無竟効其先登蟻虱自悲於相吊臣等於十一
月二十七日齊驅戰士直取孤城奸臣無漏於網中李煜生禽於麾下
千里之氛霾頓息萬家之主聚尊女其在城官吏僧道軍人百姓等久
在偏方困於害政善逢盛定皆遂舒蘇望天朝而無不涕洟樂皇化而
惟知鼓舞有以見穹昊助順海嶽知歸當聖朝臨御之期是文執混同
之日卷甲而兵鋒永戢垂衣而帝祚無窮臣等俱乏將材課司戎律通
稟一人之睿略幸成九伐之微勞其江南國主煜并偽命臣僚既就生
擒合將獻捷臣等無任詩時樂聖慶快惟呼之至謹奉露布以聞
八日制授煜光祿大夫檢校太傅右千牛衛上將軍仍封違命侯食邑三
千戶其男仲寓為左千牛衛大將軍弟從鑑為左領軍衛大將軍從諫為
右領軍衛大將軍從度為左監門衛大將軍從信為右監門衛大將軍餘

各有差 太宗太平興國四年七月三十日劉繼元至京師詔告獻太廟
前一日所司各率其屬陳設如常告廟之儀至日未明知廟卿清掃廟之
內外平明博士引太尉就位通事舍人引劉繼元就西階下東向立應儀
命官重行序立贊者曰再拜太尉再拜訖博士引太尉詣盥洗盥手洗瓚
爵訖詣東階解劍脫冠升第一室南進奠瓚爵訖再拜又再拜訖大
祝進詣神座南東向跪讀祝文訖再拜通事舍人引繼元及儀命官詣室
前階下北向重行立舍人贊云皇帝親征收復河東僞主劉繼元及僞命
官見贊者曰再拜繼元等再拜訖退位次至第二室第三室第四室第五
室皆如第一室之儀博士引太尉降自東陛佩劍納闕復位立定贊者曰
再拜太尉與繼元等皆再拜訖退祝版焚於齋坊

帝於太原受繼元降既命以官故不稱俘以上國朝會要

哲宗元祐二年八月二十八日熙河蘭會路經略司言今月十九日岷州
行營將管仲誼收復洮州生擒西蕃大首領鬼章青宜結率臣率百官表
賀于延和殿十一月十一日以鬼章入獻于崇政殿詰犯邊狀以罪當誅
死聽招其子及部屬歸附以自贖 徽宗宣和三年七月二十六日江浙
淮南等路宣撫使童貫等傳方臘以獻以上續國朝會要詳見傳字